

雲溪友議

一





成 集 書 叢

編 初

者 編 主
五 雲 王

行 發 館 書 印 務 商



議友溪雲

(一)



3 0646 4242 8

纂 據 苑

本館叢書集成初編所選
稗海及龍威祕書皆收有
此書龍威節錄本僅一卷
故據稗海本排印

雲溪友議序

唐 雲谿范 據纂

近代何自然續笑林。劉夢得撰嘉話錄。或偶爲編次。論者稱美。余少遊秦、吳、楚、宋。有名山水者。無不馳駕躡蹻。遂興長往之跡。每逢寒素之士。作清苦之吟。或樽酒和酬。稍觸於遠思矣。諺云。街談巷議。俛有裨於王化。野老之言。聖人採擇。孔子聚萬國風謠。以成其春秋也。江海不却細流。故能爲之大。據昔藉衆多。因所聞記。雖未近於丘墳。豈可昭於雅量。或以篇翰嘲諷。率爾成文。亦非盡取華麗。因事錄焉。是曰雲谿友議。儻論交會友。庶希於一述乎。

52328


083
112
2:2832

雲溪友議序

一

雲溪友議卷第一

唐 雲溪



王僕射起再主禮闈遠邇稱揚皆以文德聿興望之也武宗皇帝詔至殿陛曰朕近
能詳焉特詢於卿王公對曰臣於三教經典竊嘗徧覽向者二字羣書未之見也
得周穆王傳有齊角二字經百儒宗但言古馬名不敢分於飛兔腰裏于今靡有詳之者也上笑曰知
卿夙儒學綜朝野偶爲此二字相試非於經籍中得之遂賜金綵等乃知王公三教之中無不通曉其
我唐之孔鄭乎

李筌郎中爲荆南節度判官集闔外春秋十卷既成自鄙之曰常文也乃註黃帝陰符經兼成大義至禽

獸之制在氣經年惜然不解忽夢烏衣人引理而教之其書遂行於世僉謂鬼谷留侯復生也所謂玄龜

變服虎飛鼠斷狼狼犴嚼蝮以小便大皆得烏衣之旨筌遂通其意也筌後爲鄧州刺史常夜占星宿而坐一夕三更東南隅忽見異氣明

且呼吏於郊市如產男女者不以貧富悉取至焉過十餘輩筌視之曰皆凡骨也重令於村落搜訪之

乃得牧羊胡婦一子李君慘容曰此假天子也座客勸殺之筌以爲不可曰此胡雛必爲國盜古亦有

然殺假恐生真矣則安祿山生於南陽異人先知之也梁代誌公職曰兩角女子緣衣裳端坐太行邊君王

祿字也太行山也一止正字也祿山果於正月死也後李遐周職曰樵市人將盡函關馬不歸道逢山下鬼覆上繫羅衣又曰此天下之事不可卒去是以石勒致

鹿奔之兆。桓玄動星光之瑞。王夷甫、宋高祖，非不欲早害玄，勒永稱太平，殺之不得耳。梁武帝視太白之變而下殿奔，後愧於夷狄之主，凡爲大盜者，必有異筌首知之，知之而不可禳也。

王軒少爲詩，寓物皆屬詠，頗聞淇澳之篇，遊西小江，泊舟苧蘿山際，題西施石曰：嶺上千峯秀，江邊細草春。今逢浣紗石，不見浣紗人。題詩畢，俄見一女郎，振瓊璫，扶石笋，低回而謝曰：妾自吳宮還越國，素衣千載無人識。當時心比金石堅，今日爲君堅不得。旣爲鴛鴦之會，仍爲恨別之詞。後有廬山郭凝素者，聞王軒之遇，每適於浣溪，日夕長吟，屢題詩於其石上，寂爾無人，乃鬱快而返。進士朱澤嘲之，聞者莫不嗤笑，凝素內恥，無復斯遊。朱詩曰：三春桃李本無言，苦被殘陽鳥雀喧。借問東隣效西子，何如郭素擬王軒。

顏魯公爲臨川內史，澆風莫競，文教大行，康樂已來，用爲嘉譽也。邑有楊志堅者，嗜學而居貧，鄉人未之知也。山妻厭其饘菑不足，索書求離，志堅以詩送之曰：平生志業在槩詩，頭上如今有二絲。漁父尙知溪谷暗，山妻不信出身遲。荆釵任意撩新髻，鸞鏡從他畫別眉。今日便同行路客，相逢卽是下山時。其妻持詩詣州，請公牒以求別適。魯公按其妻曰：楊志堅素爲儒學，徧覽九經，篇詠之間，風騷可撫，愚妻覩其未遇，遂有離心。王歡之廩旣虛，豈遵黃卷。朱叟之妻必去，寧見錦衣。汚辱鄉閭，敗傷風俗，若無褒貶，僥倖者多。阿王決二十，後任改嫁。楊志堅秀才贈布絹各二十四，米二十石，便署隨軍，仍令遠近知悉。江左十數年來，莫有敢棄其夫者。

濠梁人南楚材者。旅遊陳。顛歲久。顛守慕其儀範。將欲以子妻之。楚材家有妻。以受顛牧之眷深。忽不思義。而輒已諾之。遂遣家僕。歸取琴書等。似無返舊之心也。或謂求道青城。訪僧衡岳。不親名宦。惟務玄虛。其妻薛媛。善書畫。妙屬文。知楚材不念糟糠之情。別倚絲蘿之託。對鏡自圖其形。并詩四韻以寄之。楚材得妻。真及詩。懷慙。遽有雋不疑之讓。夫婦遂偕老焉。里語曰。當時婦棄夫。今日夫離婦。若不逞丹青。空房應獨自。薛媛寫真寄夫詩曰。欲下丹青筆。先拈寶鏡端。已驚顏索寞。漸覺髻凋殘。淚眼描將易。愁腸寫出難。恐君渾忘却。時展畫圖看。

慎氏者。毗陵慶亭儒家之女也。三史嚴灌夫。因遊彼。結媼好。同載歸。斬春。經十餘秋。無胤嗣。灌夫乃拾其過而出之。令歸二浙。慎氏慨然登舟。親戚臨流相送。乃爲詩以訣灌夫。灌夫覽詩畢。悽感。遂爲夫婦如初。其詩曰。當時心事已相關。雨散雲飛一餉間。便是孤帆從此去。不堪重過望夫山。雲溪子曰。曹叔妻敘東征之賦。劉伶室作誠酒之詞。以女子之所能。實其罕矣。爰書薛媛之事。以是附焉。

秭歸縣繁知一。聞白樂天將過巫山。先於神女祠粉壁。大書之曰。蘇州刺史今才子。行到巫山必有詩。爲報高唐神女道。速排雲雨候清詞。白公觀題。慨然邀知一至。曰。歷山劉郎中禹錫。三年理白帝。欲作一詩於此。怯而不爲。罷郡經過。悉去千餘首詩。但留四章而已。此四章者。乃古今之絕唱也。而人造次不合爲之。沈佺期詩曰。巫山高不極。合沓狀奇新。開谷疑風雨。幽崖若鬼神。月明三峽曙。潮滿九江春。爲問陽臺客。應知入夢人。王無兢詩曰。神女向高唐。巫山下夕陽。徘徊作行雨。婉孌逐荆王。電影江前落。

雷聲峽外長。霧雲無處所。臺館曉蒼蒼。李端詩曰。巫山十二重。皆在碧巖中。迴合雲藏日。霏微雨帶風。猿聲寒渡水。樹色暮連空。愁向高唐去。千秋見楚宮。皇甫冉詩曰。巫峽見巴東。迢迢出半空。雲藏神女館。雨到楚王宮。朝暮泉聲落。寒暄樹色同。清猿不可聽。偏在九秋中。白公但吟四篇。與繁生同濟。而竟不爲。故太尉李德裕鎮渚宮。嘗謂賓侶曰。余偶欲遙賦巫山神女一詩。下句云。自從一夢高唐後。可是無人勝楚王。晝夢宵征。巫山似欲降者如何。段記室成式曰。屈平流放湘沅。椒蘭久而不爭。卒葬江魚之腹。爲曠代之悲。宋玉則招屈之魂。明君之失。恐禍及身。遂假高唐之夢。以惑襄王。非真夢也。我公作神女之詩。思神女之會。惟慮成夢。亦恐非真。李公退慚。其文不編集於卷也。

麻姑山山谷之秀。草木多奇。鄧仙客至延康四五代。爲國道師。而錫紫服。泊死。自京篋歸葬。是山。是謂尸解也。然悉爲丘壠。松栢相望。詞人經過。必當題詠。幾千首矣。忽有少年。偶題一絕句。不言姓字。但云天嶠遊人耳。後來觀其所刺。無復爲文。且鄧氏之名。因斯稍減矣。其詩曰。鶴老芝田。鷄在籠。上清那與俗塵同。既言白日昇仙去。何事人間有殯宮。

鄭太穆郎中爲金州刺史。致書于襄陽于司空頤。鄭書傲睨自若。似無郡吏之禮。書曰。閣下爲南溟之大鵬。作中天之一柱。竊騰則日月暗。搖動則山嶽頽。眞天子之爪牙。諸侯之龜鑑也。太穆幼孤。二百餘口。饑凍兩京。小郡俸薄。尙爲衣食之憂。溝壑之期。斯須至矣。伏惟賢公息雷霆之威。垂特達之節。賜錢一千貫。絹一千匹。器物一千事。米一千石。奴婢各十人。且曰。分千樹一葉之影。卽是濃陰。減四海數滴之

泉便爲膏澤。于公覽書，亦不嗟訝。曰：鄭使君所需，各依來數一半。以戎旅之際，不全副其本望也。又有匡廬符載山人，遣三尺童子，齎數幅文書，乞買山錢百萬。公遂與之，仍加紙墨衣服等。又有崔郊秀才者，寓居於漢上，蘊積文藝，而物產罄懸，亡何與姑婢通，每有阮咸之縱，其婢端麗，饒彼音律之能，漢南之最也。姑貧，鬻婢於連帥，連帥愛之，以類無雙。無雙卽薛太保愛妾，至今圖畫觀之。給錢四十萬，寵盼彌深。郊思慕不已，卽強親府署，願一見焉。其婢因寒食來從事家，值郊立於柳陰，馬上連泣，誓若山河。崔生贈之以詩曰：公子王孫逐後塵，綠珠垂淚滴羅巾。侯門一入深如海，從此蕭郎是路人。或有嫉郊者，寫其詩於座，帥觀之，令召崔生，左右莫測，郊深憂悔，無處潛遁。及見郊，握手曰：侯門一入深如海，從此蕭郎是路人，便是公製作耶？四百千小哉，何惜一書，不早相示，遂命婦同歸。至於帷幌奩匣，悉爲增飾之。小阜崔生矣。初有客自零陵來，稱戎昱使君席上有善歌者，襄陽公遽命召焉。戎使君豈敢違命，逾月而至。及至，令唱歌，歌乃戎使君送伎之什也。詩曰：寶鈿香娥翡翠裙，粧成掩泣欲行雲。殷勤好取襄王意，莫向陽臺夢使君。公曰：丈夫不能立功業，爲異代之所稱，豈可奪人愛姬，爲己之嬉娛，以此觀之，誠可竄身於無人之地，遂多以繒帛贖行，以書遜謝於零陵之守焉。雲溪子曰：王敦驅女樂以給軍士，楊素歸徐德言妻，臨財莫貪，於色不恡者，罕矣。時人用爲雅談，歷觀國相，挺特英雄，未有如于襄陽公者也。

雍陶員外，蜀川人也。上第後稍薄於親黨，其舅雲安劉敬之，罷舉歸三峽，素事篇章，讓陶不寄書曰：山近衡陽，雖少鴈，水連巴蜀，豈無魚。陶得書愧赧，方有狐首之思，後爲簡州牧，自比之謝宣城，柳吳興也。賓

至則折挫之。關者亦怠。投贊者稀得見焉。忽有馮道明下第請謁。云與員外故舊。關者以報。及引進。陶訶曰。與公味平生。何言相識。道明曰。誦員外之言。仰員外之德。詩集中日得相見。何乃味平生也。遂吟曰。立當青草人先見。行近白蓮魚未知。又曰。江聲秋入寺。雨氣夜侵樓。又曰。閉門賓到常推病。滿院花開不似貧。陶聞吟欣狎。待道明如曩昔之交。君子謂雍君矜詩而好媚。馮子匪藝而求知。其兩違之。文園豈尙邪。

李相公紳督大梁日。開鎮海軍進健卒四人。一曰富蒼龍。二曰沈萬石。三曰馮五千。四曰錢子濤。悉能拔

擲角觥之戲。既召至。果然趨徑。翌日於毬場內犒勞。以駕車老牛筋皮爲炙。狀瘤魁之樹。魁。酒樽也。盛一斗二升。

多以糟塊樹爲之。或銅鑄也。

坐四輩於地茵。大祥令食之。萬石等三人視炙望籠。莫敢就食。獨五千瞑目張口。兩手捧

炙。如虎啖肉。丞相曰。真壯士也。可以撲殺西胡醜夷。又令試觥戲。蒼龍等亦不利。獨五千勝之。十萬之衆爲之披靡。於是獨進五千。蒼龍等退還本道。語曰。壯兒過大梁。如上龍門也。大梁城北門。常局鎖不開。開必有事。公命開之。驛子營騷動。軍府乃悉誅之。自此平泰矣。李公既治淮南。決吳湘之獄。而持法清峻。犯者無宥。有嚴張之風。狡吏奸豪。爲之斂跡。然出於獨見。寮佐莫敢言之。李元將評事及弟仲將。嘗僑寓江都。李公羈旅之年。每止於元將之館。而叔呼焉。榮達之後。元將稱弟稱姪。皆不悅也。及爲孫子。方似相容。又有崔巡官者。昔居鄭圃。與丞相同年之舊。特遠來謁。纔到客舍。不意家僕與市人爭競。詰其所以。僕人曰。宣州館驛崔巡官。下其僕與市人。皆抵極法。令捕崔至。曰。昔嘗識君。到此何不相見。

邪。崔生叩頭謝曰：適憩旅舍，日已遲晚，相公尊重，非時不敢具陳卑禮。伏希哀憐，獲歸鄉里，遂靡留服罪。笞股二十，送過秣陵，貌若死灰，莫敢慟哭。時人相謂曰：李公宗叔，翻爲孫子，故人忽作流囚，邑客黎人，懼罹不測之禍。渡江過淮者，日衆。主吏敗曰：戶口逃亡不少。丞相曰：汝不見淘麥乎？秀者在下，糠粃隨流。隨流者不必報來，自此一言，竟無踰境者。又有少年，勢似踈簡，自云：辛氏郎君來謁丞相，於晤對之間，未甚周至。先是懸車曰：尙書寄元相公詩曰：悶勸迂辛酒，閒吟短李詩。蓋辛太丘度，性迥嗜酒，李十二紳，短而能詩。辛氏郎君，卽丘度之子也。因謂李公曰：小子每憶白二十二丈詩曰：悶勸嗜酒閒吟廿丈詩。李公笑曰：辛大有此狂兒，吾敢不存舊乎？凡是宦族，相快辛氏子之能恠誕。丞相受侮，剛腸爲之暫屈矣。又有一曹官到任，儀質頗似府公。府公見而惡之，書其狀曰：着青把笏也。請料錢，覩此形骸，足可駭嘆。左右皆竊笑焉。又宿將有過請罰，且云：臭老兵倚恃年老，而刑不加。若在軍門，一百也決，竟不免其檀楚。凡所書判，多是卒然，故趨事者皆驚神破膽矣。初，公赴薦，嘗以古風求知。呂光化溫謂齊員外煦及弟恭曰：吾觀李十二秀才之文，斯人必爲卿相。果如其言。詩曰：春種一粒粟，秋收萬顆子。四海無閒田，農夫猶餓死。鋤禾日當午，汗滴禾中土。誰知盤中餐，粒粒皆辛苦。先是元相公廉察江東之日，脩龜山寺魚池，以爲放生之所。戒其僧曰：勸汝諸僧好護持，不須垂釣引青絲。雲山莫厭看經坐，便是浮生得道時。李公到鎮，游於寺，覩元公之詩，笑曰：僧有漁罟之事，必投於鏡湖。後有犯者，豈不恕焉。復爲二絕以示之。剃髮多緣是代耕，好聞人死惡人生。祇圖說法無高下，爾輩何勞尙世情。汲水添

池活白蓮十千鬢鬣盡生天。凡庸不識慈悲意。自葬江魚入九泉。忽有老僧詣謁。願以因果喻之。丞相問阿師從何處來。答云貧道從來處來。遂決二十日。任從去處去。至如浮薄賓客。莫敢候門。三教所來。俱有區別。海內服其才俊。終於相位也。李初貧。遊無錫惠山寺。累以佛經爲文。囊被主藏僧毆打。故終身憾焉。後之剡川天宮精舍。凭笈晝寢。有老僧齋罷。見一黑蛇上剎。前李樹食其子焉。恐其遺毒。而人誤食之。徐徐驅下。蛇乃望東序而去。入李公懷中。倏忽不見。公乃驚覺。老僧謂曰。秀才睡中有所觀否。公曰。夢中上李樹食李甚美。似有一僧相逼。及寤。乃見上人。老僧知此客非常。延歸本院。經數年。而辭別。赴舉。將行。贈以衣鉢之資。因諭之曰。郎君身必貴矣。然勿以僧之多尤。貽於禍難。及領會稽。僧有犯者。事無巨細。皆至極刑。惟憶無錫之時也。遂更剡川爲龍宮寺。額嗟老僧已逝。爲其營塔立碑。平生之脩建。只於龍宮一寺耳。雲溪子曰。蕭相國立殊勳。方明昴宿。前漢史謂鄭侯昴星之精耳。杜元凱因醉吐。始見蛇形。則李公食李於龍宮。其不謬矣。

雲溪友議卷第二

房千里博士初上第遊嶺徼詩序云有進士韋滂者自南海邀趙氏而來十九歲爲余妾余以鬻髮蒼黃倦於遊從將爲天水之別尙有數秋之期縱京洛風塵亦其志也趙屢對余潸然恨恨者未得偕行卽泛輕舟暫爲南北之夢歌陳所契詩以寄情曰鸞鳳分飛海樹秋忍聽鍾鼓越王樓只應霜月明君意緩撫瑤琴送我愁山遠莫教雙淚盡鴈來空寄八行幽相如若返臨邛市畫舸朱軒萬里遊萬里橋名在蜀川房君至襄州逢許渾侍御赴弘農公番禺之命千里以情相託許具諾焉纔到府邸遣人訪之擬持薪粟之給曰趙氏却從韋秀才矣許與房韋俱有布衣之分欲陳之慮傷韋義不述之似負房言素款難名爲詩代報房君旣聞幾有歐陽四門詹太原之喪歐陽太原亡姬之事孟簡尙書已有序述之矣渾寄房秀才詩曰春風白馬紫絲韁正值蠶娘來採桑五夜有心隨暮雨百年無節待秋霜重尋繡帶朱藤會卻認羅裙碧草長爲報西遊減離恨阮郎□□嫁劉郎

劉長卿郎中因人謂前有沈宋王杜後有錢郎劉李乃曰李嘉祐郎士元焉得與予齊稱耶每題詩不言其姓但言長卿而已以海內合知之耳然士林或見譏也宋雍初無令譽及嬰瞽疾其詩名始彰盧員外綸作擬僧之詩僧清江作七夕之詠劉隨州有眼作無眼之句宋雍無眼作有眼之詩故詩流以爲四背或云四倒然辭意悉爲佳致盧公詩曰願得遠公知姓字焚香洗鉢過餘生清江上人詩曰惟愁

更漏促。離別在明朝。劉隨州詩曰。細雨濕衣看不見。閑花落地聽無聲。宋君詩曰。黃鳥不堪愁裏聽。綠楊宜向雨中看。

武后朝。嚴安之。挺之。昆弟也。安之爲長安戎曹。權過京尹。至今爲僚者。願得安之之術焉。挺之則登歷臺省。亦有時名。娶裴卿之女。纔三夕。其妻夢一人。佩服金紫。美鬢髻。曰。諸葛亮也。來爲夫人兒。既妊而產。嬰孩。其狀端偉。頗異常流。挺之薄其妻而愛其子。嚴武年八歲。詢其母曰。大人常厚玄英。玄英。挺之妻也。未嘗慰省阿母。何至於斯乎。母曰。吾與汝母子也。以汝尙幼。未之知也。汝父薄行。嫌吾寢陋。枕席數背。遂卽懷汝。自後相乘。如離婦焉。言旣悽咽。武亦憤惋。候父旣出。玄英方睡。武持小鐵鎚。擊碎其首。及挺之歸。驚愕視之。已斃矣。左右曰。小郎君戲運鐵鎚而致之。挺之呼武至曰。女何戲之甚邪。武曰。焉有天朝人士。厚其侍妾。困辱兒之母乎。故須擊殺。非戲之也。父曰。眞嚴挺之之子。而每抑遏。恐小其器耳。武年二十三。爲給事黃門侍郎。明年擁旄西蜀。累於飲筵對客。騁其筆札。杜甫拾遺乘醉言曰。不謂嚴挺之有此兒也。武恚目久之曰。杜審言孫子。擬捋虎鬚。合坐皆笑。以彌縫之。武曰。與公等飲。饌謀歡。何至於祖考耶。房太尉綰。亦微有所忤。憂怖成疾。武母恐害損賢良。遂以小舟送甫下峽。母則可謂賢也。然二公幾不免於虎口矣。李太白作蜀道難。乃爲房。杜之危也。其略曰。劍閣崢嶸而崔嵬。一夫當關。萬夫莫開。所守或非人。化爲狼與豺。此謂武之酷。朝避猛虎。夕避長蛇。磨牙吮血。殺人如麻。錦城雖云樂。不如早還家。蜀道之難。難於上青天。側身西望長咨嗟。杜初自作閬中行。豺狼當路無地遊。從或謂章仇大夫嶼爲

陳拾遺雪獄。陳冕字子昂高適侍御與王江寧昌齡申冤。當時同爲義士也。李翰林作此歌。朝右聞之。疑嚴武有劉焉之志。支屬刺史章彝。因小瑕。武一杖殺之。後爲彝外家報怨。嚴氏遂微焉。

余以曾子回車。不入勝母之閭。呂不韋有銅輪之媚。是乃曾參立孝行之名。不韋抱淫邪之責。邇之進退者。豈以二子而隴是非乎。渚宮有李令者。日宰延安。本狡猾之徒也。強爲篇章。而干謁。有歸評事。任江陵。齷院常懷卹士之心。李令既識歸君。累求救貸。悉皆允諾。忽云。某欲尋親湖外。輒假舍而安家族。歸君亦慨諾之。李旦乘舟而去。不二旬。其妻遣僕使告丐餼糧。主人拯其乏絕。李忽寄書於齷院。情況款密。且異尋常。書中有贈家室等詩一首。意欲組織歸君。其詩曰。有人教我向衡陽。一度思歸欲斷腸。爲報艷妻兼少女。與吾覓取朗州場。歸君見之。快恨而不能明。與率武陵渠江之務。以糊其口。舉士沈擢。既遠名路。從知長沙。每述於同院衆賓。用茲戒慎焉。

文宗元年秋。詔禮部高侍郎鐸。復司貢籍。曰。夫宗子維城。本枝百代。封爵便宜。無令廢絕。常年宗正寺解送人。恐有浮薄。以忝科名。在卿精揀藝能。勿妨賢路。其所賦。賦則准常規。詩則依齊梁體格。乃試琴瑟合奏賦。寬裳羽衣曲詩。主司先進五人。一詩最佳者。則李肱也。次則王收。日斜見賦。則文選中雪月賦也。況肱宗室。德行素明。人才俱美。敢不公心。以辜聖教。乃以榜元及第。寬裳羽衣曲詩。任用韻。李肱詩曰。開元太平時。萬國賀豐歲。梨園獻舊曲。玉座流新製。鳳管遞參差。霞衣競搖曳。醜罷水殿空。箏餘春草細。蓬壺事已久。仙藥功無替。詎肯聽遺音。聖明知善繼。上披文曰。近屬如肱者。其不忝乎。有劉安之

識可令著書。執馬孚之正，可以爲傳。秦嬴統天下，子弟同匹夫，根本之不深固，曹問曷不非也。評曰：李君文章精練，行義昭詳，策名於睿哲之朝，得路於韋蕭之室，然止於岳齊二牧，未登大任，其有命焉。登州賈者馬行餘，轉海擬取崑山路，適桐廬，時遇西風，吹到新羅國，其國君聞行餘自中國至，接以賓禮。乃曰：吾雖夷狄之邦，歲有習儒者，舉於天闕，登第榮歸，吾必祿之且厚，乃知孔子之道，被於夷夏乎。因與行餘論及經籍，行餘避位曰：庸陋賈豎，長養雖在中華，但聞土地之所宜，不識詩書之義，熟詩書明禮律者，其惟士大夫乎，非小人之事也。遂乃言辭揚舲背扶桑而去。新羅君訝曰：吾以中國之人，盡閑典教，不謂尙有無知之俗者。行餘還至鄉井，自慚以貪恠衣食，愚昧不知學道，爲夷狄所嗤，況於英哲乎。

李尙書訥，夜登越城樓，聞歌曰：鴈門山上鴈初飛，其聲激切，召至曰：在籍之妓，盛小鬟也。曰：汝歌何善乎。曰：小鬟是梨園供奉，南不嫌女甥也。所唱之音，乃不嫌之授也。今色將衰，歌當廢矣。時察院崔侍御元範，自府模而拜，卽赴闕庭。李君連夕餞崔君於鏡湖光候亭，屢命小鬟歌餞，在座各爲一絕句贈之。亞相爲首倡，崔下句云：獨向栢臺爲老吏，皆曰：侍御鳳閣中書，卽其程也。何以老於栢臺，衆請改之。崔讓曰：某但止於此任，寧望九遷乎。是年秋，崔君鞠獄於譙中，乃終於栢臺之任。楊、封、盧、高、數篇，亦其次也。聽盛小鬟歌送崔侍御浙東廉使，李訥詩曰：繡衣奔命去情多，南國佳人斂翠娥。曾向教坊聽國樂，爲君重唱盛鬟歌。奉和亞臺御史崔元範詩曰：楊公留宴峴山亭，洛浦高歌五夜情。獨向栢臺爲老吏，可

憐林木響餘聲。團練判官楊知至詩曰。燕趙能歌有幾人。落花迴雪似含嚙。聲隨御史西歸去。誰伴文翁怨九春。觀察判官封彥冲詩曰。蓮幙纔爲綠水賓。庚杲之在王儉府。似芙蓉泛綠水。故有此句。忽乘駿馬入咸秦。爲君唱作西湖調。日暮偏傷去住人。觀察使盧鄴詩曰。何郎戴豸別賢侯。更吐歌珠宴玉樓。莫道江南不同醉。卽陪舟楫上京遊。前進士高湘詩曰。謝安春渚餞袁宏。千里仁風一扇清。歌黛慘時方醅酌。不知公子重飛觥。處士盧激詩曰。烏臺上客紫髯公。共捧天書靜鏡中。桃葉不須歌白苧。耶溪暮雨起樵風。

滕倪苦心爲詩。嘉聲早播。遠之吉州。謁宗人邁郎中。吉守曰。吾家鮮士。此弟則千里之駒也。每吟其詩曰。白髮不知容相國。也同閑客滿頭生。又題鷺鷥障子云。映水有深意。見人無懼心。且曰。魏文酷陳思之學。潘岳褒正叔之文。貴集一家之芳。安論宗從踈遠哉。倪旣秋試。捧笈告遊。及留詩一首爲別。滕君得之。悵然曰。此生必不與此子再相見也。乃祖於太臯之閑。別異常情。倪至秋深。逝於商之館舍。聞者莫不傷悼焉。倪詩曰。秋初江上別旌旗。故國無家淚欲垂。千里未知投足處。前程便是鴟猿時。誤攻文字身空老。返却樵漁計已遲。羽翼凋零飛不得。丹霄無路接差池。

雲溪友議卷第三

盧著作肇爲華州紇于公泉防禦判官。遊仙掌諸峯。歇馬於巨靈府。忽寐。夢在數間空舍中。見一老嫗。於大釜中燃火。盧君詢其所由。曰。老人是華岳神姥也。又問釜中煮者何物。母曰。椽子也。用此何爲。母愀然曰。食之也。盧曰。且兒爲五岳神主。厭於禱祠。母食樹子。豈無奉養之志乎。母曰。以鬼神之道。雖有君臣父子。禍福本不相及矣。祈祭之所。不呼字名者。不得享焉。盧夢覺。召廟祝。令別置神母位。常饌出生一分。公宴則闕。在家忽遺忘之。噓咽而體中不快也。雲溪子親聞范陽所述。故書之。

余以鬼神之道難明也。視之不見。聽之不聞。朝賢后於盟津。報受禪於晉壤。禱祀名山大川。則其兆應也。蜀前將軍關羽。守荊州。夢猪鬣足。自知不祥。語其子曰。吾衰暮矣。是若征吳。必不返爾。果爲吳將呂蒙麾下所殛。蜀遂亡。荊州玉泉祠。天下謂四絕之境。或言此祠鬼助土木之功而成。祠曰三郎神。三郎卽關三郎也。允敬者。則彷彿似覩之。緇侶居者。外戶不閉。財帛縱橫。莫敢盜者。府中或先嘗食者。頃刻大掌痕出其面。歷旬愈明。侮慢者。則長蛇毒獸隨其後。所以懼神之靈。如履冰谷。非齋戒護淨。莫得居之。李八座翽。潭州席上有舞柘枝者。匪疾而顏色憂悴。殷堯藩侍御當筵而贈詩曰。姑蘇太守青娥女。流落長沙舞柘枝。滿座繡衣皆不識。可憐紅臉淚雙垂。明府詰其事。乃姑蘇蠡韋中丞愛姬所生之女也。臨痲之姪。正。曰。妾以昆弟天喪。無以從人。委身樂部。恥辱先人。言訖涕咽。情不能堪。亞卿爲之吁嘆曰。吾輩

與韋族其媼舊矣。速命更其舞服飾以桂襦。延與韓夫人相見。夫人。吏部之子。願其言語清楚。宛有冠蓋風儀。撫念如其所媿。遂於賓榻中選士而嫁之。舒元興侍郎聞之。自京馳詩贈李公曰。湘江舞罷忽成悲。便脫蠻靴出絳幃。誰是蔡邕琴酒客。魏公懷舊嫁文姬。

李尙書初守廬江。時有重繫者。合當大辟。引讞之時。啓鳴曰。某偶黷典章。卽從誅戮。然昔於羣小。專習一藝。願於貴人之前試之。死而無恨。乃長嘯也。公命緩繫而聽之。清聲上徹雲漢。公曰。不意蘇門之風。出於赭衣之下。可命鸞鶴同遊。當與孫阮齊躅。去其械梏。獨其罪戾。後鎮山南。夜聞長笛之音。而瀏亮不絕。問是何人之吹。具云府獄重囚。令明日引來。官吏遞相尤怨。夜使囚徒爲樂。罪戾必深。及至。發龍吟之韻。奏出塞之悲。聞思鄉情。莫不悽切。公曰。汝之吹竹。已得其能。不事農桑。可爲伶人耳。卒歲而憐憫之。遂令奔去。夫徐晃持刑而行伍齊整。慕容貸法而兵士傾心。寬猛相濟。故無不均。前聞于襄陽。鵬鵠高舉。後有李漢南。文學推名。于李之雙名並亞。匹也。雖楊杜之齊勳。未比二侯之奇特者矣。

劉侍郎軻者。韶口人也。幼之羅浮。九疑。讀黃老之書。欲學輕舉之道。又於曹溪。探釋氏關戒。遂披僧服焉。

釋名益

北之筠川。方山等寺。又居廬岳。東林寺。習南山鈔及百法論。咸得宗旨焉。獨處一室。數夢一人。

衣短褐曰。我書生也。頃因遊學。逝此一室。以主寺僧不聞郡邑。乃瘞於牖下。而屍骸跼促。死者從直。何以安也。君能遷葬。必有酬謝。乃訪于緇屬。果然。尋改遷於虎溪之上。求得一栢函。劉君解所著之衣。覆其骸骨。是夜夢書生來謝。持三鷄子。勸軻立食之。食訖。當明爽。雖冥冥之道。某不妄言。軻嚼一卵而吞。

二者猶豫未食。手握之而覺。後乃精於儒學而肆文章。因策名第。歷任史館。欲書夢中之事。不可自爲傳記。吏部韓退之素知焉。曰：待余餘暇。當爲一文贊。後韓公左遷。其文竟不成也。劉君脩史時。宰輔得人。藩鎮有事。朝廷凡有瑕勳。悉欲書之。冀人惕勵。擬縱董狐之筆。尤謗必生。匿其功過。又非史職。常暮則沈湎而出。韓公曰：史館國之樞機也。其如沈湎之醉何。雲溪子曰：劉公居史館而持兩端者。杜微之。龔也。推蜀賢於葛亮。阮籍之醉也。託魏史於王沉。恐危難之逼。假龔醉而混時。遇物從機。卽其尙也。昔文王葬枯骨。而德王岐周。鄒滿瘞甄舒。而名魁峴首。劉君因夢寐而解衣。遂通三學。可謂古人乎。前鄭廣文度者。明皇時爲立館。故以廣文號焉。編集之外。惟日嗜酒。視嬪妃之貴。必致家邦之禍。故杜工部遺之歌。略曰：廣文到官舍。置馬堂階下。醉則乘馬歸。頗遭官長罵。又曰：諸公滾滾登臺省。廣文先生官獨冷。諸公往往厭梁肉。廣文先生飯不足。又云：才名三十年。座客寒無氈。近有蘇司業。時時與酒錢。予以劉磁州之醉。與廣文所同。避嫌遠害。未爲非也。

西州韋相公。昔遊江夏。止於姜使君之館。

姜輔相公之從兄也。

姜氏孺子曰荆寶。已習二經。雖兄呼於韋公。而恭

事之禮如父叔也。荆寶有小青衣。曰玉簫。年纔十歲。常令祇侍於韋兄。玉簫亦勤於應奉。後二載。姜使君入關求官。而家累不行。韋乃易居頭陀寺。荆寶亦時遣玉簫往彼應奉。玉簫年稍長大。因而有情。時廉使陳常侍得韋君季父書云：姪鼻久客貴州。切望發遣歸覲。廉察啓械。遣以舟楫服用。仍恐淹留。請不相見。泊舟江渚。俾篙工促行。皆瞑拭淚。乃裁書以別荆寶。寶頃刻與玉簫俱來。旣悲且喜。寶命青衣

從往章以曠覲日久不敢偕行。乃固辭之。遂爲言約。少則五載。多則七年。取玉簫。因留玉指環一枚。并詩一首遺之。暨五年。既不至。玉簫乃默禱於鸚鵡洲。又逾二年。泊八年春。玉簫嘆曰。章家郎君。一別七年。是不來矣。遂絕食而殞。姜氏愍其節操。以玉指環着於中指。而同殯焉。後公鎮蜀。到府三日。詢鞠獄情。滌其冤濫。輕重之繫。僅三百餘人。其中一輩。五器所拘。偷視廳事。私語云。僕射是當時章兄也。乃厲聲曰。僕射僕射。憶得姜家荆寶否。公曰。深憶之。姜曰。卽某是也。公曰。犯何罪而重羈縲。答曰。自辭逃之後。尋以明經及第。再選青城縣令。家人誤燕麻舍牌庫印等。章公曰。家人之犯。固非己尤。便與雪冤。仍歸璽綬。乃奏授眉州牧。勅下未令赴任。遣人堅守。朱紱其榮。留連賓幙。時屬大軍之後。草創事繁。經冀莢數凋。方問玉簫何在。姜牧曰。僕射維舟之夕。與伊留約。七載是期。逾時不至。乃絕食而殞。因吟留贈玉環詩曰。黃雀啣來已數春。別時留解贈佳人。長吟不見魚書至。爲遣相思夢入秦。章公聞之。益增悽嘆。廣脩經像。以報夙心。且想念之懷。無由再會。時有祖山人者。有少翁之術。能令逝者相親。但令府公齋戒七日。清夜玉簫果至。謝曰。承僕射寫經供佛之力。旬日便當托生。却後十三年。再爲侍妾。以謝鴻恩。臨訣微笑曰。丈夫薄情。令人死生隔矣。後章以隴右之功。終德宗之代理。蜀不替。是故年深。累遷中書令。同平章事。天下響附。瀘夔歸心。因作生日。節鎮所賀。皆貢珍奇。獨東川盧八座。送一歌姬。未當破瓜之年。亦以玉簫爲號。觀之。真姜氏之玉簫也。其中指有肉環隱出。不異留別之玉環也。京兆公曰。吾乃知存沒之分。一往一來。玉簫之言。斯可驗矣。論者以中書脫布衣不五秋。而擁旌鉞。皇朝之盛。罕有

其倫。然鎮蜀近二紀。雲南諸蕃部落。悉遣儒生。教其禮樂。易袵歸仁。彼我以鹽鑄貨賂。悉無怨焉。後司空林公弛其規准。別誘言往復。通其鹽運。而不贖金帛。遂令部落二猾悍邦君。蝥螿爲羣。侵逼城壘。俘掠士庶妻子。不啻萬人。雍陶先輩感亂後詩曰。錦城南而遙聞哭。盡是離家別國聲。于是黜韋帥之功。削成都之爵。夫淮陰叛國。名居定難之勳。竇融要君。迹踐諸侯之列。蓋錄其勳而不廢其名也。所失不合。教戎濮詩書。致閒兵法。考其銜怨有以。而莫敢斥言。願乃削爵黜功。是爲大謬矣。

雲溪友議卷第四

張延賞相公累代台鉉。每宴賓客。選子壻。莫有入意者。其妻苗氏。太宰晉卿之女也。夫人有才鑒。甚別英銳。特選章臯秀才。曰。此人之貴。無以比儔。既以女妻之。不二三歲。以章郎性度高廓。不拘小節。張公稍侮之。至不齒禮。一門婢僕。漸見輕怠。惟夫人待之極厚。其於衆侍視之。悒快而不能制。臯妻垂泣而言曰。章郎七尺之軀。學兼文武。豈有沉滯兒家。爲尊卑見誚。良時勝境。何忍虛擲乎。章乃遂辭東遊。妻罄粧奩贈送。清河公喜其往也。贖以七驢馱物。每之一驢。則附遞一馱而還。行經七驢。所送之物。盡歸之也。其所有者。妻所贈奩資。及布囊書冊而已。清河公觀之。莫可測也。後權隴右軍事。會德宗幸奉天。在西面之功。獨居其上。車駕旋復之日。自金吾持節西川。以代清河公。乃改易姓名。以章作韓。以臯作翺。人莫敢言。至天回驛。去府城三十里。天回驛。上皇發駕。因以名焉。有人特報相公曰。替相公者。金吾章臯將軍。非韓翺也。夫人曰。若是章臯。必章郎也。公笑曰。天下同姓名者何限。彼章生應已委棄溝壑。豈能乘吾位乎。婦人之言。不足云爾。初有替極惡者。每述禍案。其言多中。乃云。相公擁護之神。漸滅。章郎擁護之神日增。皆以妖妄之言。不復再召也。夫人又曰。章郎比雖貧賤。氣凌霄漢。每以相公所謂。未嘗一言屈媚。因而見尤。成事立功。必此人也。翌早入州。方知不謬。公憂惕。莫敢瞻視。曰。吾不識人。從西門而出。凡是舊時婢僕。曾無禮者。悉遣章公杖殺。投於蜀江。展男子平生之志也。獨苗夫人無媿於章郎。賢哉賢哉。章公侍奉外姑。過於布素之時。海內貴門。不敢忽於貧賤東

牀者矣。所以郭泗濱詩曰：宣父從周又適秦，昔賢多少出風塵。當時甚訝張延賞，不識韋臯是貴人。

江西韋大夫丹，與東林靈轍上人，隲忘形之契，篇什唱和，月四五焉。序曰：轍公近以匡廬七詠見寄，及吟

味之，皆麗艷於文圃也。即蓮華峯，石鏡，虎跑泉，聰明水，白鹿洞，鐵船，康王廟，爲七味也。此七篇者，俾予益起歸歎之興，且芳時勝侶

窮遊於三二道人，必當攀躋千仞之峯，觀九江之水，是時也，飄然而去，不求京口之願，默爾而遊，不假

東門之送，天地爲一朝，萬物任陶鑄，青山羽翼，松逕幽邃，何必措足於丹霄，馳心於太古，偶爲思歸，題

絕句一首，以寄上人。法友談玄，幸先達其深趣。詩曰：王事紛紛無暇日，浮生冉冉只如雲。已爲平子歸

休計，五老巖前必共君。轍公奉酬詩曰：年老身閑無外事，麻衣草座亦容身。相逢盡道休官去，林下何

曾見一人。余謂韋亞台歸意未堅，果爲高僧所誚。歷覽前代，散髮海隅者，其幾人哉。

邕州蔡大夫京者，故令狐相公楚鎮滑臺之日，因道場見於僧中，令京挈瓶鉢，彭陽公曰：此童眉目踈秀，

進退不懼，惜其卑幼，可以勸學乎。師從之，乃得倍相國子弟。齊州尚書緒，丞後以進士舉上第，乃彭陽

令狐公之舉也。尋又學究登科，而作尉畿服，既爲御史，覆獄淮南，李相公紳，憂悸而已，頗得繡衣之稱。

吳汝南謂中寬，蔡君先誘之曰：是謫居澧州，爲厲員外，玄所辱，稍遷撫州刺史，常稱宇內無人，對僧徒

則非大品之談，遇道流則言五千之義，接儒士則比端木之賢，於仲尼次論周易，則評先聖之謬，來者

縱得相許，有始而無卒焉。謂丁選秀郡有汝水，爲放生池，不與漁罟之事，忽一人乘小舟釣於此，蔡君隨

遣吏捕之，釣者乃爲詩曰：拋卻長竿捲卻絲，手攜篋笥獻新詩。臨川太守清如鏡，不是漁人下釣時。京

覽詩乃召之已去。竟不言其姓字。或有識者曰：野人張頂也。頂字不感。本姓王。隱不詳。蔡牧益自矜矜。作詩以責商山四老曰：秦末家家思逐鹿。商山四皓獨忘機。如何鬢髮霜相似。更出深山定是非。及假節邕交。道經湘口。零陵鄭太守史與京同年。遠以酒樂相迓。座有瓊枝者。鄭君之所愛。而席之最姝也。蔡強奪之而行。鄭莫之競。邕交所為多類此。為德義者見鄙。終不悛也。行泊中興頌所。地名。在涪溪。僂俛不前。題篇久之。似有悵悵之意。纔到邕南。制禦失律。伏法湘川。權厝於此。二子延近。號訴蒼天。未終喪而俱逝。論者以妄責四皓。而欲買山於涪溪之間。不徒言哉。詩曰：停橈積水中。舉目孤煙外。借問涪溪人。誰家有山賣。

晉張茂先謂陸機曰：君家兄弟。龍躍雲津。顧彥先鳳鳴朝陽。謂東南之寶已盡。不意又見褚生。詩補。故知吳門之德不孤。川瀆之珍不匱矣。予以宋齊已降。朱張顧陸。時有奇藻者歟。陸郎中暢。蚤耀才名。輟不改於鄉音。自賀祕書知章。賈相耽。顧著作况。譏調秦人。至於陸君者也。貢舉之年。和羣公對雪落句云：天人寧底巧。剪水作飛花。又山齋翫月詩曰：野性平生惟好月。新晴半夜觀嬋娟。起來自擗澗窗破。恰漏清光落枕前。又經崔諫議玄亮林亭曰：蟬噪入雲樹。風開無主花。在越每經遊蘭亭。高步禹跡石帆之絕境。如不繫之舟焉。初為西江王大夫仲舒從事。終日長吟。不親公牘。府公微言。拂衣而去。辭曰：不可偶為大夫參佐。而妨志業也。王固留不已。請舉自代。然後登舟。曰：洵子姪得耳。渠曾數辟不就。暢召必來。陸海。員外。暢之姪也。暢乃採藥西山。飲泉瀦水。瀦。昌之南也。今新吳。昔許真君銘曰：瀦有魚曰賦。天地皆冥。可以伏藏。又謂瀦有澤刺之水。凡鱗鱗者。多於此水。砥礪。

也。朝客聞之，以爲仕隱也。美譽益彰。及登蘭省，遇雲陽公主下降，劉都尉百僚舉爲儀相，時題之者頃刻而成。其詩亦麗。詠簾詩曰：勞將素手捲蝦鬚，瓊室流光更綴珠。玉漏報來過夜半，可憐潘岳立躊躇。詠行障詩曰：碧玉爲竿丁字成，鴛鴦繡帶短長聲。強遮天上花顏色，不隔雲中笑語聲。詔作催粧五言詩一首，得花字。雲陽公主貴，出嫁五侯家。天母看調粉，日兄憐賜花。催鋪栢子帳，待障七香車。借問粧成未，東方欲曉霞。內人以陸君吳音，才思敏捷，凡所調戲，應對如流。復以詩嘲之。陸亦酬和。六宮大哈。凡十餘篇。嬪娥皆諷誦之。例外之物，別賜宮錦五十段。曰：伽瓶及唾盂各一枚，以賞詞翰之端也。內人詩曰：十二層樓倚碧空，鳳鸞相對立梧桐。雙成走報監門衛，莫使吳歛入漢宮。此篇或謂內學士宋若蘭若昭姊妹所作。蓋宋考功之孫也。陸君酬曰：粉面仙郎選聖朝，偶逢秦女學吹簫。須教翡翠聞王母，不奈烏鳶噪鵲橋。

致仕尙書白舍人，初到錢唐，令訪牡丹花。獨開元寺僧惠澄，近於京師，得此花栽，始植於庭，欄圍甚密。他處未之有也。時春景方深，僧設油幕覆其上。牡丹自此東越分種之也。會稽徐凝，自富春來，未識白公。先題詩曰：此花南地知難種，慚愧僧閒用意栽。海燕解憐頻睥睨，胡蜂未識更徘徊。虛生芍藥徒勞妬，羞殺玫瑰不敢開。惟有數苞紅幙在，含芳只待舍人來。白尋到寺看花，乃命徐生同醉而歸。時張祜榜舟而至，甚若踈誕。然張、徐二生，未之習稔，各希首薦焉。中舍曰：二君論文，若廉白之鬪鼠穴，勝負在於一戰也。遂試長劍倚天外賦。餘霞散成綺詩。試訖解送，以凝爲先，祜其次耳。張祜詩有地勢遙尊岳，河

流側讓關。多士以陳后主日月光天德。山河壯帝居。此徒有前名矣。又祐題金山寺詩曰。此寺在大樹影中流見鍾聲。兩岸聞。雖棊毋潛云。塔影挂青漢。鍾聲和白雲。此二句未爲佳也。祐又有觀獵四韻及宮詞。白公曰。張三作獵詩。以較王右丞。予則未敢優劣也。王維詩曰。風勁角弓鳴。將軍獵涇城。草枯鷹眼疾。雪盡馬蹄輕。忽過新豐戍。還歸細柳營。迴看落鴈處。千里暮雲平。張祐詩曰。曉出禁城東。分圍淺草中。紅旗開向日。白馬驟迎風。背手抽金鏃。翻身控角弓。萬人齊指處。一鴈落寒空。白公又以宮詞四句中。皆偶對。何足爲奇。不如徐生云。今古長如白練飛。一條界破青山色。徐凝曰。譙周室裏。定遊夏於丘。度馬守帷中。分易禮於盧鄭。如我明公。薦拔豈獨偏乎。張祐曰。虞韶九奏。非瑞馬之空音。荆玉三投。佇良工之必鑿。且鴻鍾韻擊。瓦缶雷鳴。榮辱糾紛。復何定分。祐遂行歌而返。凝亦鼓枻而歸。自是二生終身偃仰。不隨鄉試矣。先是李補闕林宗。杜殿中牧。與白公輦下較文。具言元白詩體舛雜。而爲清苦者。見嗤。因茲有恨。白爲河南尹。李爲河陽令。道上相遇。尹乃乘馬。令則肩輿。似乖趨事之禮。嘗謂樂天爲。嘖嘖翁。聞者皆笑。樂天之名稱減矣。白曰。李直木也。林宗字吾之紉子也。其鋒不可當。後杜舍人之守秋浦。與張生爲詩酒之交。酷吟祐宮詞。亦知錢唐之歲。白有是非之論。懷不平之色。爲詩二首以高之曰。誰人得似張公子。千首詩輕萬戶侯。又曰。如何故國三千里。虛唱詞歌滿六宮。張君詩曰。故國三千里。深宮二十年。一聲何滿子。雙淚落君前。此歌宮娥諷念思鄉而起長門之思也。祐復游甘露寺。觀盧肇先輩題處曰。不謂三吳有此詩人也。祐曰。日月光先到。山川勢盡來。盧曰。地從京口斷。山到海門迴。因

而仰伏願交於此士矣。

雲溪友議卷第五

崔涯者。吳楚之狂生也。與張祜齊名。每題一詩於娼肆。無不誦之於衢路。譽之則車馬繼來。毀之則杯盤失錯。嘲一妓曰。雖得蘇方木。猶貪玳瑁皮。懷胎十箇月。生下崑崙兒。又曰。布袍被襖火燒罷。紙補篋篋麻接絃。更着一雙皮屐子。紆梯紆榻出門前。又嘲李端端詩曰。黃昏不語不知行。鼻似煙窗耳似鐘。獨把象牙梳插鬢。崑崙山上月初生。端端得此詩。憂心如病。使院飲回。遙見二子躡屐而行。於道傍再拜。戰惕曰。端端祇候三郎六郎。伏望哀之。又重贈一絕句粉飾之。於是大賈居豪。競臻其戶。或戲之曰。李家娘子。纔出墨池。便登雪嶺。何期一日黑白不均。紅樓以爲娼樂。無不畏其嘲謔。祜涯久在維揚。天下晏清。篇詞縱逸。貴達欽憚。呼吸風生。頗暢此時之意也。贈端端詩曰。覓得黃鸞轍繡鞍。善和坊裏取端端。揚州近日渾成錯。一朵能行白牡丹。又雜嘲二首。二年不到宋家東。阿母深居僻巷中。含淚向人羞不語。琵琶絃斷倚屏風。又日暮追來畫閣中。百年心事一宵同。寒鷄鼓翼紗窗外。已覺恩情逐曉風。又悼妓詩曰。赤板橋西小竹籬。槿花還似去年時。淡黃衫子都無色。腸斷丁香畫雀兒。崔生之妻雍氏者。乃揚州總效之女也。儀質閑雅。夫婦甚睦。雍族以崔郎甚有才名。資贍每厚。崔生常於飲食之處。略無憚敬之顏。但呼妻父雍老而已。雍久之而不能容。勃然仗劍呼女而出。謂崔秀才曰。某河朔之人。惟習弓馬。養女合嫁軍門。徒慕士流之德。小女違公。不可別離。便令出家。立令涯妻剃髮爲尼。女若不從。吾

當揮劍。涯方悲泣。悔過。雍亦不聽分訴。親戚揮勸。別易會難。涯不得已。裁詩留贈。至今江浦離愁。莫不吟諷。是詩而惜別也。詩曰。隴上流泉隴下分。斷腸嗚咽不堪聞。姮娥一入雲中去。巫峽千秋空白雲。李相公林甫。當開元之際。與巷伯交通。權等人主。天下之能名。須出其門。如不稱意者。必遭竄逐之禍。雖楊國忠之盛。未得倖焉。其姬愛之衆。皆不勝珠翠。常賜宮娥二人。一者潛回私家。經旬方還。相公亦不知。其榮顯謂之右座相公。軒蓋諸侯。見者如履冰谷。舉子尉遲匡。幽并耿概之士也。以頻年不第。投書於右座。皆擊刺之說。匡有暮行潼關之作云。明月飛出海。黃河流上天。又觀內人樓上踏歌曰。芙蓉初出水。桃花總無言。又塞上曲云。夜夜月爲青塚鏡。年年雪作黑山花。相公覽此句曰。得非才子乎。若使匡伏恨啣冤。不假陶鑄之力。則從四夷八蠻。分爲左袵矣。豈爲進人乎。豈爲賢相乎。及得相見。右座曰。有一蕭穎士。旣叨科第。輕時縱酒。不遵名教。嘗忤吏部王尚書。丘然以文識該通。堪爲敵手。君子不遺其言。幾至鞭撻。子之詩篇。幸未方於穎士。且吾之名。復異于王公。晉王吏部重欲相干。三思可矣。匡知右座見怒。皇怖而趨出。栖遲無依。退歸林墅。罷甯戚之高歌。效約成之獨樂。登山臨水。勞灼灼之音焉。且李君之輔翊。妬賢害能。太平之基。因而覆餗也。昔重華登用。進二八於明君。姬且爲相。述四人於少主。故行流殛之刑。成吐握之美。乃帝子之股□□□軌度也。若李丞相恣行殘賊。不慕姚姬。卒罹其殃。乃其宜矣。

徐侍郎·安貞·久居中書省。常參李右丞議。恐其罪累。乃逃隱衡山嶽寺。爲東林掇蔬行者。詐暗啞不言者。

數年後。值修建佛殿。僧中選善書者題其梁。已二三人矣。而徐行者跨過。掌事怒。以杖連擊其背。徐乃割地曰。某口雖不言。昔年曾學大書。乞試之。及試。乃題數行。諸僧皆悅服。因遣盡書之。時李北海嘗遊嶽寓寺。觀其題處曰。不知徐公在此。乃召至。握手而言曰。朝列於公。已息論矣。遂解其布褐。飾以簪裳。僧皆杖擊者。潛匿無地。徐謂邕曰。吾恐逢非罪。遞跡深山。凡庸僧輩。安能識我也。汝無疑焉。江夏公因戲之云。徐侍郎曾吟峴山思。駐馬漢水憶迴舟。又暮雨夜猶濕。春風帆正開。徐曰。暗啞之時。亦默而咏之。因同載北歸。止潭州。察使水亭相迓。徐侍郎指李北海呼曰。行者瀟湘逢故人。得隨歸客。至乎汀州之娛。若幽谷之觀太陽者矣。不然。委頓巖谷。卒於寺隸也。

雲溪子素聞三鄉之味。悵然未明其所自也。洎得吳郡陸君。貞洞僅紀其年代。而不知其人。奚用序乎。然

羣書有無名氏樂府集無名詩。今檢陸君之詩序。亦云姓字隱而不書。夫序者。述作之本意也。釋其舊序。是詩繼和者多。不能徧錄。略舉十餘篇以次之。無名序曰。余本若耶溪東。與同志二三。級蘭佩蕙。每貪幽閑之境。翫花於松月之亭。竟晝綿宵。往往忘倦。洎乎初筭。至於五換星霜矣。後不得已。從良人西入函關。寓居晉昌里第。其居也。門絕鷺塵。花木叢翠。東西隣二佛宮。皆上國勝遊之最。伺其閑寂。因遊覽焉。亦不辜一時之風月也。不意良人已矣。邈然無依。帝里芳春。吊影東邁。涉澹水。歷渭川。背終南。陟秦華。經虢路。抵陝郊。揖嘉祥之清流。面女兒之蒼翠。凡經過之所。皆曩昔燕笑之地。綢繆之所。銜冤茹歎。舉目銷魂。雖殘骸尙存。而精爽都失。假使潘岳復生。無以悼其幽思也。遂命筆聊題。終不能滌其懷。

抱絕筆慟哭而去。以翰墨非婦人女子之事。名字是故隱而不書。時會昌壬戌歲仲春十九日。又賦詩曰。昔逐良人西入關。良人身歿妾空還。謝娘衛女不相待。爲雨爲雲過此山。和詩十一首。進士陸以詩曰。惆悵殘花怨暮春。孤鸞舞鏡倍傷神。清詞好箇干人事。疑是文姬第二身。王祝詩曰。女兒山前嵐氣低。佳人留恨此中題。不知雲雨歸何處。豈使王孫見卽迷。劉谷詩曰。蘭蕙芬芳見玉姿。路傍花笑景遲遲。苧羅山下無窮意。併在三鄉惜別時。王條詩曰。浣沙遊女出關東。舊跡新詞一夢中。槐陌柳亭何限事。年年回首向春風。李昌鄴詩曰。紅粉蕭娘手自題。分明幽怨發雲間。不應更學文君去。泣向殘花歸刻溪。王頌詩曰。無姓無名越水濱。芳詞空怨路傍人。莫教才子偏惆悵。宋玉東家是舊隣。李縞詩曰。會稽王謝兩風流。王子沉淪謝女愁。歸思若隨文字在。路傍空爲感千秋。張綺詩曰。洛川依舊好風光。蓮帳無因見女郎。雲雨散來音信斷。此生遺恨寄三鄉。高衢詩曰。南北千山與萬山。軒車誰不思鄉關。獨留芳翰悲前迹。陌上恐傷桃李顏。韋冰詩曰。來時歡笑去時哀。家國迢迢向越臺。待寫百年幽思盡。故宮流水莫相催。賈馳詩曰。序云。復觀三鄉留題處贈。壁古字未滅。聲長響未絕。蕙質本如雲。松心應耐雪。耿耿離幽谷。悠悠望甌越。杞婦哭夫時。城崩無此說。

太僕韋卿觀欲求夏州節度使。有巫者知其所希。忽詣韋門曰。某善禱祝星神。凡求官職者。必能應之。韋不知其詐。僞令擇日。夜深於中庭備酒果香燈等。巫者乘醉而至。請韋自書官階一道。虔啓於醮席。既得手書官銜。仰天大叫曰。韋觀有異志。令我祭天。韋公合族拜曰。乞山人無以此言。百口之幸也。凡所

既用財物。悉與之。時湖上崔大夫侃充京尹。有府囚叛獄。謂巫者是其一輩。里胥詰其衣裝。忽異。巫情窘。乃云。韋太僕令我祭天。欲陳告。而以家財求我。非竊盜也。既常申奏。宣宗皇帝召覲。至殿前。獲明冤狀。復召宰臣諭曰。韋覲城南上族。軒蓋承家。昨爲求官。遂招誣謗。毋令酷吏加之罪。僊其師。誣誑。便付京兆處死。韋則量事受責。門下議貶潘州司馬。雲溪子曰。昔晉獻因驪姬之譖。中生不終孝道。漢武信江充之佞。太子以至捐軀。事莫爭於當時。仁必傷於舊史。我宣宗文武光孝皇帝。親綜萬機。恩覃九裔。可以農軒比德。舜禹同規。測韋氏之深冤。獲全家之盛族。雖之嶺隅。亦其幸也。察院李公明詩曰。北鳥飛不到。南人誰去游。天涯浮瘴水。嶺外向潘州。草木春秋草。猿猴日夜愁。定知遷客淚。應只對君流。

雲溪友議卷第六

昔許負謂薄姬必貴。何顛謂曹瞞必傑。是挾天子而號令諸侯。其言所驗。編於簡牘。夫藝術於時者。不可不申揚讚。瀾東李尙書。卽婺女二人有異術。曰婁千寶。呂元芳。發使召之。既到。李公便令止從事家。從事問曰。府主八座。更作何官。元芳對曰。適見尙書。但前瀾東觀察使。恐無別拜。千寶所述亦爾。從事默然罷問。及再見李公。公曰。僕他日何如。二人曰。稽山棘翠。湖柳垂陰。尙書畫鶴千艘。正堪遊觀。昔人所謂人生一世。若輕塵之著草。何論異日之榮悴。榮悴定分。莫敢而陳。因問幕下諸公。元芳曰。崔副使。蜀言李推官。正範器度相似。但作省郎。止於郡守。團練李判官。服古自此大醉不過數場。何論官矣。觀察判官。任毅止於小諫。不換朱衣。楊。損支使評事。雖骨體清瘦。幙中諸賓。福壽皆不如。盧判官。細雖卽狀貌光澤。若比團練李判官。在世日月稍久。壽亦不如副使。與楊李三人。祿秩區分矣。二術士所言。咸未之信。無以證焉。是後李服古不過五日而逝。誠大醉不過數場也。李尙書及諸從事。驗其所說。敬之如神。時羅郎中。紹權赴任明州。寶。弘餘少卿。常之子赴台州。李公於席上問台明二使君如何。千寶曰。寶使君必當再醉望海亭。羅使君此去。便應求道四明山。不遊塵世矣。寶少卿能郡再之府庭。是重醉也。羅郎中遷於海島。故以學道爲名。知其不還也。李尙書歸義興。未幾薨變。是無他拜也。盧。細判官校理。明年逝於宛陵使幕。比李服古官稍久矣。爲少年也。任毅判官。纔爲補闕。休官歸圃。是不至朱紫也。

崔言郎中。止於吳興郡。李正郎中。止於九江郡。二侯皆自南宮。止於名郡。是乃祿秩相參。獨楊損尚書。三十年來。兩爲給事。再任京尹。防禦三峯。青州節度使。年逾耳順。官歷藩垣。澗東同院諸公。福壽悉不如也。皆依婁。呂二生所說焉。又杜勝給事在杭州日。問婁千寶曰。勝爲宰相之事何如。曰。如筮得震卦。有聲而無形也。周易卜得震卦。如聞雷不見其形。凡事皆不成遂也。當此之時。或陰人之所譖。若領大鎮。必憂悒成疾。可以脩禳。之後。杜公爲度支侍郎。有直上之望。草麻待宣。府吏已上。於杜公門。搆板屋。將布沙堤。忽有東門驟騎。奏以小疵。而丞旨以蔣伸侍郎拜相。杜出鎮天平。憂悒不樂。失其大望。乃嘆曰。金華婁山人之言果驗矣。欲令召千寶。元芳。又曰。婁。呂二生。孤雲野鶴。不知棲宿何處。杜尚書尋亦薨于鄆州。鍾離侑少詹。昔歲閒居東越。覩斯異術。每求之二生。不可得也。雲溪子自童騃之年。知之。方敢備錄。

明皇幸岷山。百官皆竄辱。積屍滿中原。士族隨車駕。伶官張野狐。鷲粟雷海青。琵琶李龜年。唱歌公孫大娘。舞劍初。上自擊羯鼓。而不好彈琴。言其不俊也。又寧王吹簫。薛王彈琵琶。皆至精妙。共爲樂焉。惟李龜年。奔迫江潭。杜甫以詩贈之曰。岐王宅裏尋常見。崔九堂前幾度聞。正值江南好風景。落花時節又逢君。龜年曾於湘中探訪使。筵上唱紅豆。生南國。秋來發幾枝。贈君多綵纈。此物最相思。又曰。清風明月苦相思。蕩子從戎十載餘。征人去日殷勤囑。歸鴈來時數附書。此詞皆王右丞所製。至今梨園唱焉。歌闋合座莫不望南幸而慘然。龜年唱罷。忽悶絕仆地。以左耳微暖。妻子未忍殘殮。經四日乃甦。曰。我遇二妃。令教侍女蘭茗唱。被襖畢。放還。且言主人卽復長安。而有中興之主也。謂龜年有何憂乎。後李

校書男· · · 既解天祿之任。而歸潯陽。經湘中乘舟。題二妃廟二首詩曰。小孤洲北浦雲邊。二女明粧共儼然。野廟向江春寂寂。古碑無字草芊芊。東風近墓吹芳芷。落日深山哭杜鵑。猶似含嚙望巡狩。九疑如黛隔湘川。又黃陵廟前莎草春。黃陵兒女茜裙新。輕舟小楫唱歌去。水遠山長愁殺人。後又題曰。黃陵廟前春已空。子規滴血啼松風。不知精爽落何處。疑是行雲秋色中。李君自以第三篇。春空便到秋色。踟躕欲改之。乃有二女郎見曰。兒是娥皇女英也。二年後當與郎君爲雲雨之遊。李君乃悉其所陳。俄而影滅。遂掣其神塑而去。重涉湖嶺。至於潯陽。潯陽太守段成式郎中。素與李爲詩酒之交。具述此事。段公因戲之曰。不知足下是虞舜之辟陽侯也。羣玉題詩後二年。乃逝於洪井。段爲詩哭之曰。酒裏詩中三十年。縱橫唐突世喧喧。時明不作禰衡死。傲盡公卿歸九泉。又曰。曾話黃陵事。今爲白日催。老無男女累。誰哭到泉臺。

真娘者。吳國之佳人也。時人比於錢唐蘇小小。死葬吳宮之側。行客慕其華麗。競爲詩題於墓樹。櫛比鱗臻。有舉子譚銖者。吳門秀逸之士也。因書絕句。以貽後之來者。視其題處。經遊之者。稍息筆矣。詩曰。虎丘山下塚纍纍。松柏蕭條盡可悲。何事世人偏重色。真娘墓上獨題詩。

東川處士柳全節。習百家之言。衣華陽鶴氅。或呼爲柳尊師。又曰柳百經。有子棠。應進士舉。才思優贍。見者奇之。龐嚴舍人。瞻眎諸歌姬。方戲於階。問牆頭何人也。曰。柳秀才也。遽令姬者飾粧。召柳秀才對觀之。龐公曰。恐牆上遠。見不得分明。故請細觀。棠深恥之。不辭而去。時裴諫議。因封事出漢州。卽棠

舊知也。聞棠來且喜。及晉謁。則藍衫木簡而已。裴公扣其故。對曰。名場孤寒。虛擲光景。欲求科粟之養。以成子道焉。有宴召馮戡。胡據。柳棠。三舉士。裴公於棠名下注曰。此柳秀才。已於鹽鐵承事。不用屈私。令棠見之。蓋惜其舉子也。柳棠之欲罷舉者。爲龐門有失。乃棄藍袍而歸舊服。非時請見司諫。司諫謂曰。子方年少。篤翰如流。不可驥垂長坂。蘭謝深林。況今急士之秋。必能首送。兼與薦書。開成二年上第。後歸東川。歷旬。但居狎斜舊遊之處。不謁府主楊尙書。汝士楊公謂諸賓曰。每見報前柳棠秀才。多於妓家飲酒。或三更至暮。竟來相訪。社日必相召焉。及召棠至。已在醉鄉矣。斟三器酒。內一巨魚杯。棠不卽飲。楊公乃請曰。文章護道能吞鳳。杯酒何曾解喫魚。今日梓州張社會。應須遭這老尙書。棠答曰。未向燕臺逢厚禮。幸因社會接餘歡。一魚喫了終無恨。鵬化成鵬也不難。初棠與馮戡爭先。棠所頡頏。及第後。戡與詩曰。桃花浪裏成龍去。竹葉山頭退鶴飛。棠戡爲友甚善焉。柳每於東川席上。狂縱日甚。干忤楊公。詩曰。莫言名位未相儔。風月何曾阻獻酬。前輩不須輕後輩。靖安今日在衡州。靖安李宗閔尙書。與楊公中外昆弟。況有朗陵之分。東川益怒。爲書讓其座主高鐸侍郎曰。柳棠者。兇悖驕豎。識者惡之。狡過仲容。才非夫子。且膺門之貴。豈宜有此生乎。小宗伯曰。某濫司文柄。以副懸旒。夙夜兢惶。恐遭訕謗。是以搜求俊彥。冀輔聰明。不敢蔽才。與棠及第。東川又書曰。昔周公撻伯禽。以戒成王也。昌邑殺王式。式。昌邑之師也。而怨霍光乎。豈不由師傅之情。爾興亡之道。孔子先推德行。然後文學焉。吾師垂訓。千古不易。前書云。不敢蔽才。何必一柳棠矣。若以篇章取之。寧失於何植。王條也。高公又復書曰。唐堯之聖。

也。不致丹朱之賢。宣尼之明也。不免仲由之害。如其可化。安有墜典。伊祁九子。盡可等於黃唐。門人三千。悉能繼於顏閔。若棠者。自求瑕玷。難以磨滅。其所忤黷尊威。亦予謬舉之過也。棠聞二君交讓。不任憂傷。又不敢遠申卑謝。遂之劍州。王使君使君者。善畫松竹狗兔。以十五侯而四郡守。棠至。聯夕而飲。王君辭曰。某以衰朽。恐乖去就。小男忝趨文場。不知許容侍座否。老夫暫歸憩歇焉。王氏之子洎醉。輕易之甚。棠呵之曰。公稱舉人。與棠分有前後。畫師之子。安得無禮於先輩乎。王氏乃自去其道服。空戴黃葛巾。謂棠曰。我大似賢尊尊師。幸不喧酗耳。棠轉益怒。叱咤而散。柳生雖登科第。始參越巒軍事。而天喪。且渤海高公。三榜一百二十人。多平人得路。若柳棠者。誠累恩門舉主。善乎裴公曰。人不易知也。




83

14

2832

雲
溪
友
議
二





叢書集成
初編

主編者
王雲五

商務印書館發行



雲溪友議

(二)



3 0646 4230 3

纂 緘 苑

雲溪友議卷第七

宣宗十二年前進士陳玩等五人應博學宏詞選所司考定名第及詩賦論進訖

上人李潘等對上曰凡考試之中重用字如何中書對曰賦忌偏枯叢雜論則褒貶

只如白雲起封中詩云封中白雲起是也其間重用文字乃是庶幾亦非有常例也又曰孰詩重用字

對曰錢起湘靈鼓瑟詩有二不字詩曰善撫雲和瑟常聞帝子靈馮夷空自舞楚客不堪聽逸韻諸金

石清音發杳冥蒼梧來怨慕白芷動芳馨流水傳湘浦悲風過洞庭曲終人不見江上數峯青上覽錢

公此年宏詞詩曰其一種重用文字他詩似不及錢起起則今協律之子也合於匏革宮商即變鄭衛

文奏惟謝朓云洞庭張樂地瀟湘帝子遊雲去蒼梧野水還江漢流此若比鼓瑟一篇摘藻妍華無以

加其前進宏詞詩重用字者登科更明年考校起詩便付史選


故荊州杜司空琮自忠武軍節度使出澧陽宏詞李宣古者李生會昌三年王起侍郎下上第數陪遊讌每戲誚於其座或

以鉛粉傅其面或以輕綃為其衣侮慢既深杜公不能容忍使臥宣古於泥中欲辱之檀楚也長林公

主聞之不待穿履奔出而救之曰尚書不念諸子學文擬陪李秀才硯席豈在飲筵而舉人細過待士

如此異時那得平陽之譽乎遂遣人扶起李秀才於東院以香水沐浴更以新衣卻赴中座公主傳旨

京兆公請為詩冀彌縫也李生得韻書之不勞思付也詩曰得高紅燈初上月輪高照見堂前萬朵桃



083
112/

2:2833

52329

罽粟響清銀子管。琵琶聲亮紫檀槽。能歌姹女顏如玉。解飲蕭郎眼似刀。爭奈夜深拋耍令。舞來按去使人勞。杜公賞詩。賜物十箱。希無愧於一醉也。後二子裔休。孺休。皆以進士登科。人謂之曰。非其母賢不成其子。時澧州宴席酒糺崔雲娘者。形貌瘦瘠。而戲調罰於衆賓。兼恃歌聲。自以爲郢人之妙也。李生乃當筵一詠。遂至鉗口。又杜牧侍郎罷宣城幕。經陝圻。有錄事肥而且巨。而敏其言詞。牧爲詩以挫焉。復州陸巖夢。桂州筵上贈胡子女一詩。至今歡狎之所。辭吟之篇。無不低顏變色也。李宣古贈崔雲娘子詩云。何事最堪悲。雲娘只首奇。瘦拳拋令急。長鬣出歌遲。只怕肩侵髮。惟愁骨透皮。不須當戶立。頭上有鍾臙。杜紫薇牧贈肥錄事詩曰。盤古當時有遠孫。尙令今日逞豪門。一車白土將泥項。十幅紅旗補破裾。瓦棺寺裏逢行跡。華嶽山前見掌痕。不須啼哭愁難嫁。待與將軍報岳神。陸巖夢贈胡子女詩曰。自道風流不可攀。那堪盛額更頽顏。眼睛深卻湘江水。鼻孔高於華岳山。舞態固難居掌上。歌聲應不繞梁間。孟陽死後幾千載。猶有佳人覓往還。

平曾以憑人傲物。多犯諱忌。竟沒於縣曹。知己歎其運蹇也。薛平僕射出鎮浙西。投謁主禮稍薄。曾留詩以諷之曰。梯山航海幾崎嶇。來謁金陵薛大夫。髭髮豎時趨劍戟。衣冠儼處拜冰壺。誠知兩軸非珠玉。深愧三縑卹旅途。今日楚江風正好。不須回首望勾吳。薛聞之。曾將出境。遣吏追還。糜留數日。又獻繫白馬詩曰。白馬披鬃練一團。今朝被絆欲行難。雪中放出尋空跡。月下牽來只見鞍。向北長鳴天外遠。臨風斜控耳邊寒。自知毛骨還應異。更請孫陽子細看。河東公觀詩曰。若不留絆行軒。那得觀其毛骨。

遂以殊禮相待。厚送篋賂餞行。會後遊蜀川。謁少師李固言相公。在成都賓館。則李珪郎中、郭圓員外、陳會端公、袁不約侍郎、采擇書記、薛重評事。皆遠從公。可謂蓮幕之盛矣。會每與諸公評論。則言笑爛日。侍於相公。則輕佻無所畏怵。遂獻雪山賦一首。言雪山雖茲潔白之狀。疊嶂攢峯。夏日清寒。而無草木華茂。爲人採掇。以李公罕作文章。廢其庠序也。相公讀賦。命推出會。會不踰旬。又獻鱖魚賦。言此魚觸物而怒。翻身上波。爲鷓鴣所獲。柰魴鱖之何。相公覽賦。笑曰。昔趙元叔之狂簡。袁伯彥之機捷。無以過焉。然愛其文采。投贄者無出於會。曾有過忤。不至深罪。乃知相公之用心也。又作潼關賦。以刺中朝。此關倚太華。瞰黃河。雖來往攸同。而歡有異也。乃與賈島齊譴。爲時所忽。至於潦倒。誠可惜哉。後溫庭筠爲賦。亦譏刺。少類於平賈。而謫方城尉。乃詩曰。侯印不能封李廣。別人丘壠似天山。舉子紀唐夫。有詩送之。時溫庭筠作尉。紀唐夫得名。蓋因文而致也。詩曰。何事明時泣玉頻。長安不見杏園春。鳳凰詔下雖密命。鸚鵡才高卻累身。且飲綠醪消積恨。莫言黃綬拂行塵。方城若比長沙遠。猶隔千山與萬津。

襄陽牛相公。赴舉之秋。每爲同袍見。忽及至昇超。諸公悉不如也。嘗投贄於劉補闕禹錫。對客展卷。飛筆塗竄其文。且曰。必先輩未期至矣。然物謝贖。終爲快快。歷三十餘歲。劉轉汝州。隴西鎮漢南。枉道駐旌旄。信宿酒酣。直筆以詩諭之。劉公承詩意。方悟往年改牛公文卷。因誡子弟咸元、承雍等曰。吾立成人之志。豈料爲非。況漢上尙書。高識達量。罕有其比。昔主父偃家爲孫弘所夷。嵇叔夜身死鍾會之口。

是以魏武誠其子云。吾大忿怒。小過失。慎勿學焉。汝輩脩進守中為上也。席上贈汝州劉中丞。襄州節度使牛僧孺詩曰。粉署為郎四十春。今來名輩更無人。休論世上升沉事。且鬪樽前見在身。珠玉會應成咳唾。山川猶覺露精神。莫嫌恃酒輕言語。曾把文章謁後塵。奉和牛尚書韻。汝州刺史劉禹錫詩曰。昔年曾忝漢朝臣。晚歲空餘老病身。初見相如成賦日。後為丞相掃門人。追思往事咨嗟久。幸喜清光笑語頻。猶有當時舊冠劍。待公三日拂埃塵。牛公吟和詩。前意稍解曰。三日之事。何敢當焉。宰相三朝後。注印。可以

升降百於是移寢竟夕。方整前驅也。中山公謂諸賓友曰。予昔與丞相德輿。庾詞同舍郎莫之會也。庾詞

時人與韓退之愈。優劣人物兩測。袁給事同肩與李表臣。程突梯而侮李兵部紳。與柳子厚宗元評脩國史而薄侍郎袁。與呂光化論制誥而鄙席舍人夔。予二十八年在外。五為刺史。而不復親臺省。以此將知清途隔絕。其自取乎。或有淡薄相待。緘翰莽鹵者。每吟張博士籍詩云。新酒欲開期好客。朝衣暫脫見閑身。對花木則吟玉右丞詩云。興闌啼鳥換。坐久落花多。則幽居之趣少安耳。予友稀舊人。苦為異代。今日為文。都不愜意。洛中白二十二居易。苦好予秋水詠曰。東屯滄海闊。南壤洞庭寬。又石頭城下作云。山連故國周遭在。潮打空城寂寞回。予自知不及蘇州韋十九郎中應物。詩曰。春潮帶雨晚來急。野渡無人舟自橫。嘗過洞庭。雖為一篇。靜思杜員外甫落句云。年去年來洞庭上。白蘋愁殺白頭人。鄙夫之言。有愧於杜公也。楊虞卿校書過華山詩曰。河勢崑崙遠。山形菡萏秋。此句實為佳對。又皇甫博士湜。鶴處鷄羣賦云。若李君之在胡。但見異類。如屈原之相楚。惟我獨醒。然二君矜銜。俱為朝野之絕

倫。予亦昔時直氣。難以爲制。因作一口號。贈歌人米嘉榮曰。唱得梁州意外聲。舊人惟有米嘉榮。近來
年少輕前輩。好染髭鬚事後生。夫人遊尊貴之門。常須慎酒。昔赴吳臺。揚州大司馬杜公鴻漸爲余開
宴。沉醉歸驛亭。稍醒。見二女子在傍。非我有也。乃曰。郎中席上與司空詩。特令二樂妓侍寢耳。醉中之
作。都不記憶。明日脩狀啟陳謝。杜公亦優容之。何施面目也。予以郎署州牧。輕忤三司。豈不過哉。詩曰。
高髻雲鬟宮樣妝。春風一曲杜韋娘。司空見慣尋常事。斷盡蘇州刺史腸。中山劉公後以太子校書尚書
今呼爲郎州牧也。
曰。頃在夔州。少逢賓客。縱有停舟相訪。不可久留。乃獨吟曰。巴人淚逐猿聲落。蜀客舟從鳥道來。忽得
京洛故人書。題對之零涕。又曰。浮生誰至百年。倏爾衰暮。富貴窮愁。實其常分。胡爲嗟怨哉。

雲溪友議卷第八

石雄僕射初與康誥同爲徐州帥王侍郎智興首校王公忌二人驍勇奏守本官雄則許州司馬尋授石州刺史有李弘約者以石使君許下之日曾負弘約資貨累自窘索後詣石州求其本物既入石州境心復遲疑恐石君怒遇里有神祠祈享皆謂甚靈弘約乃號啓於神神祝父子俱稱神下索紙筆命弘約書之約不識文字求得村童口占之曰石使君此去當有重臣抽擢而立武功合爲河陽鳳翔節度復有一官失望所以事須闕密不令異耳聞之弘約以巫祝之言先白石君石君相見甚歡尋潞州劉從諫背叛朝廷議欲討伐李贇皇時爲上宰乃用雄爲將雄奮武奪得天井關後與劉振文破黑山諸蕃部落走南單于迎公主歸國皆雄之展效也然是鷹犬之功非良宰不能驅馳者及李公以太子少保分洛石僕射詣中書論官曰雄立天井關及黑山之功以兩地之勞更希一鎮養老相府曰僕射潞州之功國家已酬河陽節度使西塞之績又拜鳳翔在兩鎮之重豈不爲酬賞也石乃復爲左右統軍不愜其望悉如巫者之言李太尉相公泊謫潮州有客陳石僕射神祠之驗明其盛衰有數稍抑其噫鬱焉再貶朱崖作詩曰十年紫殿掌洪鈞出入三朝一品身文帝寵深陪雉尾武皇恩重宴龍津黑山永破和親虜鳥嶺全坑跋扈臣自是功高臨盡處禍來名滅不由人又登崖州城樓吟曰獨上高樓望帝京鳥飛猶是半年程青山欲似留人住百匝千遭繞郡城先是韋相公執誼得罪薨變於此今朱崖

有章公山。柳宗元員外與章丞相有齟年之好。三致書與廣州趙尙書宗儒。勸表雪章公之罪。始詔歸
葬京兆。至今山名不革矣。贊皇感其遠誦不遺。爲文以祭曰。維大中年月日。趙郡李德裕。謹以蔬醴之
奠。祭于故相國章公僕射之靈。嗚呼。皇道咸寧。藉乎賢相。德邁皋陶。功宣呂尙。文字世推。智謀神貺。一
遭讒嫉。遠投荒瘴。地雖厚兮不察。天其高兮不諒。野撥澗蘋。思違秬鬯。信成禍深。業崇身喪。某亦竄跡
南陬。從公舊丘。永泯軒裳之願。長爲猿鶴之愁。嗙吁絕域。寤寐西周。倘知公者。惻公非罪。不知我者。謂
我何求。其心若水。其死若休。臨風敬弔。願與神遊。嗚呼云云。或問贊皇之秉鈞衡也。毀譽無如之何。削
禍亂之階。關孤寒之路。好奇而不奢。好學而不倦。勳業素高。瑕疵不顧。是以結怨侯門。取尤蔡彥。光福
侍郎。自長慶三年知舉。後廿一載復爲僕射。武皇朝猶主
柄。凡有親戚在朝者。不得應舉。連人得路。皆相慶賀。後之文場困辱者。若周人之思鄉焉。皆曰。八百孤寒
齊下淚。一時回首望崖州。

南中丞。卓吳楚遊學十餘年。衣布縷。乘牝衛。薄遊上蔡。蔡牧待之似厚。而爲客吏難阻。每宴集。令召。則云。
南秀才自以衣冠不整。稱疾不赴。南生羈旅窮愁。似無容足之地。惟城南鬻飯老嫗。待之無厭色。後十
七年爲蔡牧。到郡乃曰。古人一飯之恩。必報。毗睚之怨。必酬。吾雖位微。幸常斯日也。遂戮仇吏。而報飯
嫗焉。轉黔南經略使。大更風俗。凡是谿塢。呼吸文字。皆同秦漢之音。甚有聲譽。先是柳子厚在柳州。呂
衡州溫嘲諷之曰。柳州柳刺史。種柳柳江邊。柳館依然在。千秋柳拂天。至南公至黔南。又以故人嘲曰。
黔南南太守。南郡在雲南。間向南亭醉。南風變俗談。撰駁史三十卷。與馬史殊貫。班書小異。三國二晉

以下之文。多被攻難。每於朝野推論。莫能屈也。吳武陵郎中。劉軻侍御。俱服其才識焉。初爲拾遺。與崔詹事。因諫諍出宰。崔爲支江令。南爲松滋令。二諫垣。矯翼翩翩。無所羈束。雙名並席。二邑綏然。公府常爲高榻相待。南公贈副戎等詩曰。翱翔曾在玉京天。墮落江南路幾千。從事不須輕縣宰。滿身猶帶御爐烟。

憲宗皇帝朝。以北狄頻侵邊境。大臣奏議。古者和親之有五利。而日無千金之費。上曰。比聞有一卿能爲詩。而姓氏稍僻。是誰。宰相對曰。恐是包子虛。冷朝陽。皆不是也。上遂吟曰。山上青松陌上塵。雲泥豈合得相親。世路盡嫌良馬瘦。惟君不棄臥龍貧。千金未必能移姓。一諾從來許殺身。莫道書生無感激。寸心還是報恩人。侍臣對曰。此是戎昱詩也。京兆尹李鑾。擬以女妻昱。令其改姓。昱固辭焉。上悅曰。朕又記得詠史一篇。此人若在。便與朗州刺史。武陵桃源。足稱詩人之興咏。聖旨如此。稠疊士林之榮也。其詠史詩曰。漢家青史內。計拙是和親。社稷依明主。安危托婦人。豈能將玉貌。便欲靜胡塵。地下千年骨。誰爲輔佐臣。上笑曰。魏絳之功。何其懦也。大臣公卿。遂息和戎之論矣。文宗武宗之世。舉子亦有斯詠。果毅者佳焉。斛律斯者。長安退將也。其詩曰。塞外衝沙損眼明。歸來養病臥秦城。上高樓閣看星坐。着白衣裳把劍行。常說老身思鬪將。最憐無事削藩營。翠娥紅臉和回鶻。惆悵中原不用兵。蘇郁曰。關月夜懸青塚鏡。塞雲秋薄漢宮羅。君王莫信和戎策。生得胡雛轉更多。

宋言端公近十舉而名未播。大中十一年。將取府解。言本名嶽。因晝寐。似有人報云。宋二郎秀才。若頭上

戴山無因成名。但去其山。自當通秦。覺來便思去之不可名獄。遂去二犬。乃改爲言。及就府試。馮涯侍郎作掾而爲試官。以解首宋言也。時京兆尹張大夫殺夫以馮參軍解送舉人有私。奏譴澧州司戶再試。退解頭宋言爲第六十五人。知聞來信。宋曰。來春之事。甘已參差。李播舍人放榜。以言爲第四人及第。言感恩最深。實爲望外也。乃服馮涯知人。尋亦獲雪。

安邑李相公

吉甫

初自省郎爲信州刺史。時吳武陵郎中。貴溪人也。將欲赴舉。以哀情告于州牧。而遣以

五布三帛。吳嫌輕鮮。以書讓之。其詞唐突。不存桑梓之分。李微誚焉。贊皇母氏諫曰。小兒方求成人。何得與舉子相忤。遂與米二百斛。趙郡果爲宰輔。竟釋其憾焉。元和二年。崔侍郎邠重知貢舉。酷搜江湖之士。初春將放二十七人及第。潛持名來呈相府。纔見首座李公。公問吳武陵及第否。主司恐是舊知。遽言吳武陵及第也。其榜尙在懷袖。忽報中使宣口勅。且揖禮部從容。遂注武陵姓字。呈上李公。公謂曰。武陵至是粗人。何以當其科第。禮部曰。吳武陵德行雖則未聞。文筆乃堪採錄。名已上榜。不可卻矣。相府不能因私誄士。唯唯而從。吳君不附國庠。名第在於榜末。是日旣集省門試。謂同年曰。不期崔侍郎今年倒挂榜也。觀者訝焉。

樂坤員外素名冲。出入文場多蹇。元和十二年。忿起歸耕之思。乃辭知己東邁。夜禱華嶽廟。虔心啓祝。願知升黜之分。止此一宵。如可求名者。則重適關城。如不可。則無由再窺仙掌矣。中夜忽夢一青綬人。檢簿書報云。來年有樂坤及第名已到。冥簿不見樂冲也。冲遂改名坤。果如其說。春闈後。經岳祈謝。又祝

官職於主簿。夢中稱官歷四資。郡守而已。乃終于郢州。神其靈哉。

潞州沈尙書絢。宣宗九載主春闈。將欲放榜。其母郡君夫人曰。吾見近日崔李侍郎。皆與宗盟及第。似無

一家之謗。汝叨此事。家門之慶也。於諸葉中擬放誰耶。吳興沈氏相見。問葉不問房。絢曰。莫先沈先也。太夫人曰。沈

先早有聲價。沈擢次之二子。科名不必在汝。自有他人與之。吾以沈儻孤單。鮮有知者。汝其不慙。孰能

見哀。絢不敢違慈母之命。遂放儻第焉。先後果升上第。擢奏芸閣。從事三湘。太夫人之朗悟。儻亦感激焉。

雲溪友議卷第九

左傳稱筮短龜長。知凶襲吉。易經周魯二聖亦備在典彝。後之學者隨應而述之。李相公回以舊名曠。累舉未捷。嘗之洛橋。有二術士。一能筮。一能龜。乃先訪筮者曰。某欲改名赴舉如何。筮者曰。改名甚善。不改終不成事也。又訪龜者。鄭生曰。君子此行。慎勿易名。名將遠布矣。然而成遂之後。二十年間。名終當改矣。今則已應玄象。異時方測余言。將行又戒之曰。郎君必策榮名。後當重士。接誘後來。勿以白衣爲隙。他年必爲深覺矣。淮南從事力薦畢丞相。誠後又舉趙渭南。李公長慶二年及第。至武宗登極。與上同名。始改爲回。自辛丑至庚申二十年矣。乃嘆曰。筮短龜長。鄭生之言信矣。李公既爲丞郎。永興魏相公嘗爲給事。因省會謂李公曰。昔求府解。侍郎爲試官。送一百二人。獨小生不蒙一解。今日還忝金章。廁諸公之列。耶。合座皆驚此說。欲其遜容。李公曰。如今脫却紫衫。稱魏秀才。僕爲試官。依前不送。公何得以舊事相讓耶。李乃尋秉獨坐之權。三臺肅畏。而陞相府。至今少臺官之直拜也。後三五年間。魏公亦自同州入相。實繼文貞之諫。宜皇之代。而致清平。及李相公有九江之除。續有臨川之出。跋涉江湖。喟然嘆曰。洛橋先生之誠。吾自取尤。然亦命之故定也。

列子終于鄭。今墓在郊。藪謂賢者之跡。而或禁其樵採焉。里有胡生者。性落魄。家貧。少爲洗銚鉸釘之業。倏遇甘果名茶美醞。輒祭于列禦寇之祠壠。以求聰慧而思學道。歷稔忽夢一人。刀割其腹開。以一卷

書置之於心。腑及覺而吟詠之。句皆綺美之詞。所得不由於師友也。既成卷軸。尙不棄猥瑣之藝。真得隱者之風。遠近號爲胡釘鉸。太守名流。皆仰矚之。而門多長者。或有遺賂。必見拒也。或持茶酒而來。則欣然接奉。其文略記數篇。資其異論耳。喜園田韓少府見訪一首。忽聞梅福來相訪。笑着荷衣出草堂。兒童不慣見車馬。爭入蘆花深處藏。又觀鄭州崔郎中諸妓繡樣曰。日暮堂前花蕊嬌。爭拈小筆上床描。繡成安向春園裏。引得黃鸝下柳條。吟江際小兒垂釣曰。蓬頭稚子學垂綸。側坐莓苔草映身。路人借問遙招手。恐畏魚驚不應人。

咸陽郭氏者。殷富之室也。僕媵甚衆。內有一蒼頭。名曰捧劍。不事音樂。常以望水翫雲。不遵驅策。雖每遭捶撻。終所見違。一旦忽題一篇章。其主益怒。詩曰。青鳥啣葡萄。飛上金井欄。美人恐驚去。不敢捲簾看。儒士聞而競觀之。以爲協律之詞。其主稍容焉。又題後堂牡丹花曰。一種芳菲出後庭。却輸桃李得佳名。誰能爲向夫人說。從此移根近太清。捧劍私啓賓客曰。願作夷狄之鬼。恥爲愚俗蒼頭。其後將竄。復留詩曰。珍重郭四郎。臨行不得別。曉漏動離心。輕車冒寒雪。欲出主人門。零涕暗嗚咽。萬里隔關山。一心思漢月。京兆全曙司錄。嘗述此事於王祝。李溪二郎并進士韓銖。鄭嵩等也。

廖有方校書。元和十年。失意後遊蜀。至寶鷄西界館。窆諸旅遊之人。天下譽爲君子之道也。有書板爲記云。予元和乙未歲。落第西征。適此公署。忽聞呻吟之聲。潛聽而微愷也。乃於暗室之內。見一貧病兒。郎問其疾苦行止。強而對曰。辛勤數舉。未遇知音。眇眇叩頭。久而復語。惟以殘骸相托。餘不能言。擬求救。

療是人俄忽而逝。余遂賤鬻所乘鞍馬於村豪。備棺瘞之。恨不知其姓字。苟爲金門同人。臨岐悽斷。復爲銘曰。嗟君沒世。委空囊。幾度勞心翰墨場。半面爲君申一慟。不知何處是家鄉。廬君自西蜀回。取東川路。還至靈合驛。驛將迎歸私第。及見其妻。素衣再拜。嗚咽情不可任。徘徊設辭。有同親懿。淹留半月。僕馬皆飢。啜熊鹿之珍。極賓主之分。有方不測。何緣如此。悚惕尤甚。臨別。其妻又至。相別悲泣。又贈贖緡錦一駄。其價值數千百兩。驛將曰。郎君今春所埋胡綰秀才。卽某妻室之季兄。始知亡者姓字。復敍平生之吊。所遺之物。終不納焉。少婦及夫。堅意拜上。有方辭曰。僕爲男子。粗察古今。偶然葬一同流。不敢當茲厚惠。遂促轡而前。驛將奔騎而送。復逾一驛。尙未分離。廬君不顧其物。驛將竟不挈還。執袂各恨東西。物乃棄於林野。鄉老以義事申州。州以表奏中朝。其文武宰僚。願識有方。共爲導引。明年李侍郎逢吉。放有方及第。改名游卿。聲動華夷。乃皇唐之義士也。其主驛戴克勤。堂牒本道節度。甄昇至於顯職。克勤名誼。與廬君同述焉。

李博士涉。諫議渤海之兄。嘗適九江。看牧弟。臨袂。凡有囊裝。悉分匡廬隱士。何戴山人等也。惟書籍薪米存焉。至皖之西。忽逢大風。鼓其征帆。數十人皆持兵仗。而問是何人。從者曰。李博士船也。其中豪首曰。若是李涉博士。吾輩不須剽他金帛。聞其詩名日久。但希一篇金帛。非貴也。李乃贈一絕句。豪首錢賂且厚。李亦不敢卻。復覩斯人。神情復異。而氣亦備焉。因與定淮揚佛寺之期。而懷陸機之薦也。李君及至揚州。遍歷諸寺。遇一女子拜泣。自謂宋態也。宋態者。故吳興劉員外愛姬也。劉全白也。劉李有昔年之分。因

有詩贈曰。長憶雲仙至小時。芙蓉頭上綰青絲。當時驚覺高唐夢。惟有如今宋玉知。又曰。衡陽夜宴使君筵。解語花枝在眼前。自從明月西沉海。不見姮娥二十年。李君嘆曰。不見蒙首而逢宋態。成終身之幸。喜恨無言於舊知也。李博士奇義甚多。茲不盡錄爾。後番禺舉子李彙征。客游於閩越。馳車至循州。冒雨求宿。田翁指韋氏之莊居。韋氏乃杖履迎賓。年已八十餘。自稱曰野人。韋思明。幸獲祇奉。與李生談論。或文或史。淹留累夕。彙征善談而不能屈也。對酒徵古今及詩語。韋叟吟曰。長安輕薄兒。白馬黃金羈。以彙征年少而事輕肥故也。李生還令云。昨日美少年。今日成老醜。叟喟然歎曰。老其醜矣。少壯所嗤。至客改令。不離舊意。曰。白髮有前後。青山無古今。叟微笑曰。白髮不遠於秀才。何忽於老夫耶。叟復還令曰。此翁白頭真可憐。憶昔紅顏美少年。於是共論數十家歌詩次第。及李涉絕句。主人似酷稱其善矣。彙征遂吟曰。遠別秦城萬里遊。亂山高下出商州。關門不鎖寒溪水。一夜潺湲送客愁。又曰。華表千年一鶴歸。丹砂爲頂雪爲衣。泠泠仙語人聽盡。卻向五雲翻翅飛。叟乃吟二篇曰。因韓爲趙兩遊秦。十月冰霜渡孟津。縱使鷄鳴見關吏。不知予也是何人。又曰。滕王閣上唱伊州。二十年前向此遊。半是半非君莫問。好山長在水長流。李生重詠贈豪客詩。叟愀然變色曰。老身弱齡不肖。遊浪江湖。交結奸徒。爲不平之事。及遇李涉博士。蒙東此詩。因而歛跡。李公待恐。擬陸士衡之薦戴若思。共主晉室。中心藏焉。遠隱羅浮山。經於一紀。李旣云亡。不復再遊秦楚。追惋今昔。因乃潛然。或持觴而酌。反袂而歌云。春雨瀟瀟江上村。綠林豪客夜知聞。他時不用相迴避。世上如今半是君。雲溪子以劉向所謂傳聞不如親聞。親聞

不如親見也。乾符己丑歲，客于醫川，值李生，細述其事。彙征於韋叟之居，親觀李博士手翰，冀予道於文林，且思明感知從善，豈謝古人乎。

安人元相國，應制科之選，歷天祿畿尉，則聞西蜀樂籍有薛濤者，能篇詠，饒詞辯，常情悒於懷抱也。及爲監察，求使劍門，以御史推鞠，難得見焉。及就除拾遺，府公嚴司空綬，知微之之欲，每遣薛氏往焉。臨途訣別，不敢挈行，泊登翰林，以詩寄曰：錦江滑膩峨眉秀，化出文君與薛濤。言語巧偷鸚鵡話，文章分得鳳凰毛。紛紛詞客皆停筆，箇箇君侯欲夢刀。別後相思隔煙水，萋蒲花發五雲高。元公旣在中書，論與裴晉公度子弟，譔及第議，出同州。詔云：裴度有立葵之功，元稹有開蓬之過也。乃廉問浙東，別濤已逾十載，方擬馳使往蜀取濤，乃有俳優周季南、季崇及妻劉採春，自淮甸而來，善弄陸參軍歌，聲徹壤，篇詠雖不及濤，而華容莫之比也。元公似忘薛濤，而贈採春日：新妝巧樣畫雙蛾，慢裏恆州透額羅。正面偷輪光滑笏，緩行輕踏皺紋靴。言辭雅措風流足，舉止低回秀媚多。更有惱人腸斷處，選詞能唱望夫歌。望夫歌者，卽羅頤之曲也。金陵有羅頤樓，乃陳后主所建。採春所唱一百二十首，皆當代才子所作五六七言，皆可和者。其詞曰：不喜秦淮水生，憎江上船，載兒夫婿去，經歲又經年。借問東園柳，枯來得幾年。自無枝葉分，莫怨太陽偏。莫作商人婦，金釵當卜錢。朝朝江口望，錯認幾人船。那年離別日，只道往桐廬。桐廬人不見，今得廣州書。昨日勝今日，今年老去年。黃河清有日，白髮黑無緣。閉向江頭採白蘋，常隨女伴賽江神。衆中不敢分明語，暗擲金錢卜遠人。昨夜黑風寒，牽船浦裏安。潮來打纜斷，搖櫓始知難。採春一唱是曲，闔婦行人莫不

漣而且以蕪砧尚在不可奪焉元公求在浙江七年因醉題東武亭

此亭宋武帝所造壯麗天下罕比焉

詩曰役役人間

事紛紛碎簿書功夫兩衙盡留滯七年餘病痛梅天發親情海岸踈因循未歸得不是戀鱸魚盧侍郎

求戲曰丞相雖不戀鱸魚乃戀誰耶初娶京兆韋氏字蕙蕙官未達而苦貧繼室河東袁氏字柔之二

夫人俱有才思時彥以為佳偶初韋蕙蕙卒不勝其悲

韓侍郎作墓誌銘

為詩悼之曰謝家最小偏憐女嫁與

黔婁百事乖願我無衣搜畫篋挽他沽酒拔金釵野蔬充膳甘長菘落葉添薪仰古槐今日贈錢過百

萬為君營奠復營齋又曰曾經滄海難為水除卻巫山不是雲復自會稽拜尚書右丞到京未逾月出

鎮武昌

武昌建節李相牛相及元相也

是時中門外構緹幕候天使送節次忽聞宅內慟哭侍者曰夫人也乃傳聞旌

鉞將至何長慟焉袁氏曰歲杪到家鄉先春又赴任寄情未半相見所以如此立贈柔之詩曰窮冬到

鄉國正歲別京華自恨風塵異常看遠地花碧幢還照耀紅粉莫咨嗟嫁得浮雲婿相隨卻是家袁氏

柔之答曰侯門初擁節御苑柳絲新不是悲殊命惟愁別是親黃鸞遷古木珠履徙清塵想到千山外

滄江正暮春元公與袁氏琴瑟和諧亦房帷之美也余故編錄之與好事者共焉

雲溪友議卷第十

裴郎中諱晉國公次子也。足情調，善談諧，與舉子溫岐爲友，好作歌曲。迄今飲席多是其詞焉。裴君旣入臺，而爲三院所諱，曰：能爲淫艷之歌，有異清潔之士也。裴君南歌子詞云：不是廚中爭，如炙裏心，井邊銀釧落，展轉恨還深。不信長相憶，擡頭問取天。風吹荷葉動，無夜不搖蓮。簾蠟爲紅燭，情知不自由。細絲斜結網，爭奈眼相鈎。二人又爲新添聲楊柳枝詞，飲筵競唱其詞而打令也。詞云：思量大是惡因緣，只得相看不得憐。願作琵琶槽那畔，美人長抱在胸前。又獨房蓮子沒人看，偷折蓮時命也拚。若有所由來借問，但道偷蓮是下官。溫岐詞曰：一尺深紅朦朧塵，舊物天生如此新。合歡桃核終堪恨，裏許元來別有人。又井底點燈深燭伊，共郎長行莫圍棋。玲瓏骰子安紅豆，入骨相思知不知。胡州崔郎中蜀言初爲越副戎，宴席中有德華周氏者，乃劉探春女也。雖羅噴之歌，不及其母，而楊柳之詞，探春難及。崔副車寵愛之異，將至京洛，後豪門女弟子從其學者衆矣。溫、裴所稱歌曲，請德華一陳音韻，以爲浮豔之美。德華終不取焉。二君皆有愧色。所唱者七八篇，乃近日名流之詠也。滕邁郎中一首，三條陌上拂金羈，萬里橋邊映酒旗。此日令人腸欲斷，不堪將入笛中吹。賀知章祕監一首，碧玉裝成一樹高，萬條垂下綠絲絛。不知細葉誰裁出，二月春風是剪刀。楊巨源員外一首，江邊楊柳麴塵絲，立馬憑君折一枝。惟有春風最相惜，殷勤更向手中吹。劉禹錫尙書一首，春江一曲柳千條，二十年前舊板橋。會

與美人橋上別。恨無消息至今朝。韓琮舍人二首。枝闌芳腰葉闌眉。春來無處不如絲。灞陵原上多離別。少有長條拂地垂。又梁苑隋堤事已空。萬條猶舞舊春風。那堪更想千年後。誰見楊花入漢宮。雲溪子曰。漢著有豔歌行。匪爲桑間濮上之音也。皆以雪月松竹雜詠。楊柳枝詞。作者雖多。鮮觀其妙。杜牧舍人云。巫娥廟裏低含雨。宋玉堂前斜帶風。滕郎中又云。陶令門前罇接羅。亞夫營裏拂朱旗。並不言楊柳二字。最爲妙也。是以姚合郎中苦吟道傍亭子詩曰。南陌遊人回首去。東林道者杖藜歸。不亭字亦稱奇矣。

王建校書爲渭南尉。作宮詞。元丞相亦有此句。河南渭南。合成二首。時謂長孫翺。朱慶餘。各有一篇。苟爲當矣。長孫詞曰。一道甘泉接御溝。上皇行處不曾秋。誰言水是無情物。也到宮前咽不流。朱君詞曰。寂寂花時閉院門。美人相對泣瓊軒。含情欲說宮中事。鸚鵡前頭不敢言。元公秀明經制策入仕。秀字紫芝。爲名山令。政有能名。顏真卿爲碑文。號曰元名山也。其一篇自述云。延英引對綠衣郎。紅硯宣毫各別牀。天子下簾親自問。宮人手裏過茶湯。是時貴族競應制。科用爲男子榮進。莫若茲矣。乃出自河南之咏也。渭南先與內官王樞密。盡宗人之分。然彼我不均。後懷輕謗之色。忽因過飲。語及桓靈信任中官。多遭黨錮之罪。而起興廢之事。樞密深憾其譏。詰曰。吾弟所有宮詞。天下皆誦於口。禁掖深遠。何以知之。建不能對。元公親承聖旨。令隱其文。朝廷以爲孔光不言溫樹。何其慎靜乎。二君相將遞勅。因爲詩以讓之。乃脫其禍也。建詩曰。先朝行坐鎮相隨。今上春宮見長時。脫下御衣偏得着。進來龍馬每教騎。常承密旨還家少。獨奏邊情

出殿遲。不是當家頻向說。九重爭遣外人知。

近日舉場爲詩清切。而鄙元和風格。用高往式。蓋由工用之不同耳。章正字孝標。對月落句云。長安一夜千家月。幾處笙歌幾處愁。有類乎秦交云。一種蛾眉明月夜。南宮歌吹北宮愁。章君品題之中。頗得聲稱也。元和十三年下第。時多爲詩以刺主司。獨章君爲燕歸詩。留獻庾侍郎。承宣小宗伯得詩。展轉吟諷。誠恨遺才。乃候秋期。必當引薦。庾果重秉禮曹。孝標來年擢第。羣議以爲二十八字而致大科。則名路可遵。遞相礪礪也。其詩曰。舊壘危巢泥已落。今年故向社前歸。連雲大廈無棲處。更傍誰家門戶飛。孝標及第正字。東歸題杭州樟亭驛云。樟亭驛上題詩客。一半尋爲山下塵。世事日隨流水去。紅花還似白頭人。初落句云。紅花真笑白頭人。改爲還似白頭人。言我將老成名。似花芳豔。詎能久乎。及還鄉而逝。前輩有章八元。後有章孝標。皆桐廬人。名雖遠而位俱不達。後五十年來。有閩川歐陽渢者。四明詹之孫也。賈陵。陳羽。李觀。李絳。韓愈。王涯。劉遵古。崔渢娶婦經旬而辭赴舉。抗節不還。詩云。黃菊離家十四年。又云。離家已是夢松年。又云。落日望鄉處。何人知客情。自憐十八年之帝鄉。未遇知己也。亦爲燕詩以獻主司。鄭愚侍郎。其詞雖爲朝貴稱羨。尙未第焉。其詩曰。翻翻雙燕齋堂開。送古迎今幾萬回。長向春秋社前後。爲誰歸去爲誰來。

明皇代。以楊妃號國寵盛。宮娥皆頗衰悴。不備掖庭。常書落葉。隨御溝水而流。云。舊寵悲秋扇。新恩寄早春。聊題一片葉。將去接流人。願況著作。聞而和之。旣達宸聰。遣出禁內者不少。或有五使之號焉。和詩

曰愁見鶯啼柳絮飛。上陽宮女斷腸時。君恩不禁東流水。葉上題詩寄與誰。盧渥舍人應舉之歲。偶臨御溝。見一紅葉。命僕奉來。葉上乃有一絕句。置於巾箱。或呈於同志。及宣宗既省宮人。初下詔許從百官司吏。獨不許貢舉人。渥後亦一任范陽。獲其退宮人。覩紅葉而吁嗟久之。曰。當時偶題隨流。不謂郎君收藏巾篋。驗其書跡。無不訝焉。詩曰。流水何太急。深宮盡日閑。殷勤謝紅葉。好去到人間。

紇于尙書泉。苦求龍虎之丹。十五餘稔。及鎮江右。乃大延方術之士。作劉弘傳。雕印數千本。以寄中朝。及四海精心燒煉之者。夫人欲點化金銀。非擬救於貧乏。必期多蓄田疇。廣置僕妾。此謂貪婪。豈名道術。且玄妙之門。虛無之事。得其要旨。亦恐不成。況不得乎。悉焚參同契金訣。真至言也。皇甫大夫或曰王相公也。

在夏口之日。勤求藝術。時有一道士。策杖躡履。直入戟門。門人以廉使奉道。不敢制止。安定公遽起而迎接。道士則傲然不窺。向竹而吟曰。積塵爲泰山。掬水成東海。富貴有時乖。希夷無日改。絳節出峒嶼。霓裳發光彩。古者有七賢。六箇今何在。蓋自謂我是一賢也。訪其姓名。答曰。黃山隱也。府公未明真僞。請止於宮觀。願在碑亭。得觀雲水。亞相曰。斯人若是至道。名利俱捐。試令幹事。軍將持書。送絹百匹。錢一百千文。至其寓。山隱啓緘。欣然立脩回報。遂乃脫其道服。飾以青巾。引見謝陳。禮度甚恭。異初來傲睨之態矣。皇甫公判書之末。乃至盡刑。曰。道士黃山隱。輕人復重財。泰山將比飯。東海只容盃。綠綬藏雲帔。烏巾換鹿胎。黃泉六箇鬼。今夜待君來。雲溪子曰。王子年之著書也。不脫後秦之難。東方朔之知機也。恐罹西漢之咎。是松喬獨樂。叟父不居。若山隱者。擬爲妖惑。敢冀公侯。罪無于吉。致孫策鏡裏之

殃。來非許。邁起劉恢舟中之願。足見凡愚。黃山隱自貽之禍。安定公明察之斷。合其宜乎。謾書此以警後人。

雲溪友議卷第十一

鄧州有老僧。日食二鴈。鳩僧俗共非之。老僧終無所避。當饌之際。有貧士求食。分其二足而食。食訖。老僧盥漱。雙鳩從口而出。一則能行。一則匍匐在地。貧士驚駭。亦吐其飯。其鳩二脚亦生。僧後不食此味。觀驗衆皆敬異。號曰南陽鴈鳩和尚。

興元縣西墅有蘭若。上座僧常飲酒食肉。羣輩皆效焉。一旦多作大餅。招羣徒衆。入屍陀林。以餅裹腐屍肉而食。數啖不已。衆僧掩鼻而走。上座曰。汝等能食此肉。方可食諸肉。自此緇徒因成精進也。此事柳僕射仲鄂在興元日親驗之也。

寶誌大師嘗於臺城對梁武帝喫鱸。昭明諸王子皆侍側。食訖。帝曰。朕不味二十餘年矣。師何爲爾。誌公乃吐出小魚。鱗尾皆具。帝深異之。如今秣陵有鱸殘魚是也。且達人崇佛奉僧。近亦衆矣。若留守王僕射逢裴相公休。鳳翔白中令敏中。夏侯相致。崔僕射安。皆嚴飾道場。躬自焚香執錢。老而不倦。然諸貴達皆乃惡其過犯。必不容貸焉。李常侍續分陝之日。閒登城樓。遙見二僧抱帙。從寺門而出。有二鬼異狀。隨僧後諦聽。行過百步。忽見一女子自東而來。二僧極目而送。鬼乃俱怒。拋沙石作旋風。左右或有見者。召僧至。問其所以。具云。出寺門共論經義。尋有他言。不敢隱諱。伏藏。公曰。鬼神重齋戒。善惡必知。二僧既還。益加惕勵。岳牧李員外常。羣玉校書者。卽岳牧從孫也。昔來觀謁。曾預宴席。李公曰。吾微

士也。識古知今。視汝儕流。只如粟粒。羣玉競惶。幾不脫於欄辱。其高槩如此。有天下名稱。羣玉後過岳陽。題詩曰。昔年曾接李膺歡。遠泛仙舟醉碧瀾。詩句亂題青草發。酒腸狂飲洞庭寬。浮生聚散雲相似。往事微茫夢一般。今日片帆城下過。春風回首涕闌干。岳陽於奉釋之心。日無倦色。嘗撰清遠寺碑文。甚得大理。若僧有故投網羅者。並不恕。嘗斷僧結黨屠牛捕魚事。由云。違西天之禁戒。犯中國之條章。不思流水之心。輒舉庖丁之刃。既集徒侶。須務極刑。各決三十。用示伽藍。襄州李八座。翽斷僧相打云。夫說法則不曾敷座而坐。相打則偏袒右肩。領來向佛前而作偈言。各笞小杖十五。以勵三千大千。又斷僧通狀云。七歲童子。二十受戒。君王不朝。父母不拜。口稱貧道。有錢放債。量決十下。牒出東界。婺州陸郎中。長源判僧常滿智真等。同於娼家飲酒烹宰鷄鵝等事云。且口說如來之教。在處貪財。身著無價之衣。終朝食肉。苦行未同迦葉。自謂頭陀。神通何有淨名。入諸淫舍。犯爾嚴戒。黷我明刑。乃集遠近僧徒。痛杖三十。處死。又斷金華觀道士盛若虛云。本是樵童牧豎。偶然戴幘依師。不遊玄牝之門。莫鑿丹田之義。早聞僧犯。苟乃包容。作孽既多。爲弊斯久。常住錢穀。惟貯私家。三盞香燈。不脩數夕。至於婢僕。遍結親情。良賤不分。兒女盈室。行齊犬馬。義悖清廉。恣伊非類之徒。負我無爲之教。貸其死狀。尙任生全。量決二十。便勒出院。別召精潔主守。務在焚脩。浙西韓相公。斷法師雲晏等五人。聚集賭錢。因有喧爭云。正法何曾執具。空門不積餘財。白日既能賭博。通宵必醉樽罍。強說天堂難到。又言地獄常開。並付江神收管。波中便是泉臺。

雲溪子昔遊西霞峯。厥氣方壯。嘗遇玄朗上人者。乃南泉禪宗普願大師之嗣孫也。南泉之德業諸佛之支體。維三經云。卽心是佛。非心是道。非心非道。非道非心。離佛離道。卽是一真。大師句云。心不是佛。智不是道。其心有善惡。智有利鈍。心智兩非。名爲究竟。南泉旣逝。崔行儉員外爲之銘曰。百骸俱散。一物常靈。釋徒俱服其簡妙也。朗公或遇高才上智者。則論六度迷津。三明啓道。此滅彼往。無榮絕辱也。或有愚士昧學之流。欲其開悟。則吟以王梵志詩。梵志者。生於西域林木之上。因以梵志爲名。其言雖鄙。其理歸真。所謂歸真悟道。徇俗乖真也。其詩曰。欺誑得錢君。莫羨得了。卻是輸他便。來往報答甚分明。只是換頭不換面。又曰。天公未生我。冥冥無所知。天公忽生我。生我復何爲。無衣遣我寒。無食令我饑。還爾天公我。還我未生時。又曰。我肉衆生肉。形殊性不殊。元同一性命。只是別形軀。苦痛教他死。將來作已須。莫教閻老繼。自想意何如。又曰。多置莊田廣修宅。四隣買盡猶嫌窄。雕牆峻宇無歇時。幾日能爲宅中客。造作莊田猶未已。堂上哭聲身已死。哭人盡是分錢人口。哭元來心裏喜。又曰。粗行出家兒。心中未平實。貧齋行則遲。富齋行則疾。貪他油煮鱸。愛若波羅蜜。飽食不知慚。受罪無休日。又曰。不願大大富。不願大大貧。昨日了今日。今日了明晨。所願只如此。真成上上人。又曰。良田收百頃。兄弟猶工商。卻是成憂惱。珠玉虛滿堂。滿堂何所用。妻兒日夜忙。行坐聞人死。不解暫思量。貧兒二畝地。乾枯十樹桑。桑下種粟麥。四時供父娘。圖謀未入手。祇是願饑荒。結得百家怨。此身終受殃。又曰。本是扇屎袋。強將脂粉搽。凡人無所識。喚作一團花。相牽入地獄。此最是冤家。又曰。生時不共作榮華。死後隨車強。

叫喚齊頭送到墓門回分了錢財各自散。又曰。乘生頭兀兀。常住無明窟。心裏惟欺瞞。口中佯念佛。世無百年人。擬作千年調。打鐵作門關。鬼見拍手笑。家有梵志詩。生死免入獄。不論有益事。且得耳根熟。白紙書屏風。客來卽與讀。空飯手捻鹽。亦勝設酒肉。勸君莫殺命。背而被生噴。喫他他喫汝。輪迴作主人。又曰。照面不用鏡。布施不須財。端坐念真相。此便是如來。大皮裹大樹。小皮裹小木。生兒不用多了。事一箇足。省得分田宅。無人橫煎蹙。但行平等心。天亦念孤獨。我身雖孤獨。未死先懷慮。家有五男兒。哭我無所據。哭我我不聞。不哭我亦去。無常忽到來。知身在何處。又曰。世間何物貴。無價是詩書。了了說仁義。愚夫卻不知。深房禁婢妾。對客誇妻兒。青石甃行路。未知身死時。

方彫雲爲白太傅所知。後遊涪州。累爲關人艱阻。爲詩以獻盧尚書。私宣范陽公怒關者而禮方生焉。詩

曰。荷衣拭淚幾回穿。欲謁朱門抵上天。不是尙書輕下客。山家無物與三權。

夔州游使君。符邀客看花而不飲。至今荆襄花下樹。茶者吟此戲焉。盧子發詩曰。白帝城頭二月時。忍教

清醒看花枝。莫言世上無衰許。客子由來是相師。

詠螃蟹呈浙西從事皮日休曰。未遊滄海蚤知名。有骨還從肉上生。莫道無心畏雷雨。海龍王處也橫行。

又題金錢花曰。陰陽爲炭地爲爐。鑄得金錢不用模。謾向人間逞顏色。不知還解濟貧無。

鄭愚醉題廣州使院以譏前政云。數年百姓受饑荒。太守貪殘似虎狼。今日海隅魚米賤。大須慚愧石榴

黃。

擬權龍褒體贈鄆縣李令。及寄朝右。李乃因休官。詩曰。鄆縣李長官。橫琴膝上弄。不聞有政聲。但見手指動。

李日新題仙娥驛詩曰。商山食店太悠悠。陳黯餽鱸古餽頭。更有臺中牛肉炙。尙盤數櫛紫光毳。

賀祕監顧著作吳越人也。朝英慕其機捷。競嘲之。乃謂南金復生中土也。每在班行。不妄言笑。賀知章曰。

鍛鏤銀盤盛蛤蜊。鏡湖蓴菜亂如絲。鄉曲近來佳此味。遮渠不道是男兒。顧況和曰。鍛鏤銀盤盛炒蝦。

鏡湖蓴菜亂如麻。漢兒女嫁吳兒婦。吳兒盡是漢兒爺。

張祜客於丹徒。有朱檀者。輕佻侮慢。祜之篇詠。後檀與祜卷。欲其潤飾之。祜乃戲簡二十字。欣而不悟。詩

曰。昔人有玉盃。擊之千里鳴。今日覩斯文。盃有當時聲。

雲溪友議卷第十二

溫州顏郎中儒士也。不知弧矢之能。張祐觀其騎獵馬上。以詩戲之曰。忽聞射獵出軍城。人著戎衣馬帶纓。倒把角弓呈一箭。滿山狐兔當頭行。祐爲冬瓜堰官。憾其牛戶無禮。實欲鞭笞。但無不取給於其中也。然無名秀士居多。職事皆怯於祐。錢唐酒徒朱冲和小舟經過。祐令語曰。張祐前稱進士。不亦難乎。冲和乃自啓名而贈詩嘲之。祐平生傲誕。至於公侯。未如斯之挫也。其詩曰。白在東都元已薨。蘭臺鳳閣少人登。冬瓜堰下逢張祐。牛屎堆邊說我能。

韋鵬翼戲題盱眙邵明府壁詩曰。豈肯閑尋竹徑行。卻嫌絲竹好蛙聲。自從煮鶴燒琴後。背卻青山臥月明。

樂營子女席上。戲賓客量情三木。乃書榜子示諸妓云。嶺南掌書記張保徹。綠羅裙上標三棒。紅粉腮邊淚兩行。叉手向前咨大使。這回不敢惱兒郎。時謂張書記文彩縱橫。比之何遜。人才瓌偉。有似玄宗。及罷府北歸。留詩戲諸同院。聞者莫不大哈。詩曰。憶昔前年富貴時。如今頭腦尙依稀。布袍破後思宮內。錦袴穿時憶御衣。鶻子背攢高力士。嬋娥翻畫太真妃。如今憔悴離南海。恰似當時幸蜀歸。莆田縣有染家巨富。因醉殿兄。至高標十木。旣歸。鄉親爲會。有柳逢秀才。旅遊掇席。主人不樂。柳生怒而題壁。染人遂與束帛贖其詩。詩曰。紫綠終朝染。因何不識非。莆田竹木貴。背負十柴歸。

浙東孟簡尚書六銜按覆囚徒其間一人自曰魯人孔順獻詩啓云偶尋長街柳陰吟詠忽被都虞侯拘
縲數日責以罪名敢露血誠伏請申雪孟公立以賓客待之批其狀曰薛陟不知典教豈辨賢良驅遣
健徒憑陵國士殊無畏憚輒恣威權翻成刺許之賓何異吠堯之犬然以久施公效尙息杖刑退補散
將外鎮收管孔生詩曰有箇將軍不得名惟教健卒喝書生尙書近日清如鏡天子官街不許行

池州杜少府諡亳州章中丞仕符二君皆以長年精求釋道樂營子女厚給衣糧任其外住若有飲宴方

一召來柳際花間任其娛樂譙中舉子張魯封爲詩讀其賓佐兼寄大梁李尙書詩曰杜叟學仙輕惹
質章公事佛畏青娥樂營卻是閑人管兩地風情日漸多

戲酬張十五秀才見寄池毫二州之事宜武軍掌書記李晝曰秋浦亞卿顏叔子譙中都憲老桑門如今
柳巷通車馬惟恐他時立棘垣

題大梁臨汴驛進士姚嶸近日侯門不重才莫將文藝擬爲媒相逢若要知膠漆不是紅妝卽撒灰

麻衣黎瓊者南海狂士也遊於漳州頻於席上喧酗鄉飲之日諸賓悉赴客司獨不召瓊瓊作翻韻詩贈
崔使君坐中皆大笑崔使馳騎迎之其詩曰慣向溪邊折柳楊因循行客到州漳無端忤觸王衙押不
得今朝看飲鄉

元丞相駁妻王氏字韞秀王相公之女初王相公鎮北京以韞秀嫁元載歲久而見輕怠王氏謂夫曰
何不增學妾有奩幌資粧盡爲紙墨之費王氏父母或未之知親屬以載夫婦皆乞兒厭薄之甚元乃

游秦爲詩別妻曰。年來誰不厭龍鍾。雖在侯門似不容。看取海山寒翠樹。苦遭霜霰到秦封。妻請偕行。曰。路掃饑寒跡。天哀志氣人。休零離別淚。攜手入西秦。元秀才到京。屢陳時務。深得上旨。肅宗擢拜中書。王氏喜。元郎入相。寄諸妹詩曰。相國已隨麟閣貴。家風第一右丞詩。笄年笑解明機婦。恥見蘇秦富貴時。元公肅宗代宗兩朝宰相。貴盛無比。廣葺亭臺。交游貴族。客候其門。而或間阻。王氏復爲一篇以諷之曰。楚竹燕歌動畫梁。春闈重換舞衣裳。孫弘開館招佳客。知道榮華不久長。元公見詩。於是稍減威望。太原內外親族。悉來謁賀。韞秀置於閑院。忽因晴霽日景。以青紫纒四十條。每條長三十丈。皆施羅綺錦繡之飾。每條纒下。排金銀爐二十枚。皆焚異香。亘其服。乃命諸親戚西院閑步。韞秀問是何物。侍婢對曰。今日相公及夫人曬曝衣服。王氏謂諸親曰。豈料乞索兒婦。還有兩事。蓋形粗衣也。於是諸親羞赧。稍稍而辭。韞秀每分衣服器飾於他人。惟不及太原之骨肉。且曰。兒非不禮於姑姊。其奈當時見辱何。洎元公貪恠爲心。竟招罪戾。臺閣彈奏。而亡其家。韞秀少有識量節槩。因高丞相已謝。上令入宮。備彤管箴規之任。歎曰。王家十三娘。二十年太原節度使女。十六年宰相妻。誰能書得長信昭陽之事。死亦幸矣。堅不從命。或曰。上有連罪。或云。京兆筭而斃矣。

朱慶餘校書。旣遇水部郎中張籍知音。遍索慶餘新製篇什數通。吟改後。只留二十六章。水部置於懷抱。而推贊之。清列以張公重名。無不繕錄。諷詠。遂登科第。朱君尙爲謙退。作閨意一篇。以獻張公。公明其進退。尋亦和焉。詩曰。洞房昨夜停紅燭。待曉堂前拜舅姑。粧罷低聲問夫婿。畫眉深淺入時無。張籍郎

中酬曰。越女新粧出鏡心。自知明豔更沉吟。齊紈未足人間貴。一曲菱歌抵萬金。朱公才學因張公。詩名流於海內矣。



三十年四月五日
該書店

編主五雲王

編初成集書叢

議 友 溪 雲
冊 二

中華民國二十八年十二月初版

纂 者 范 據

發 行 人 王 雲 五
長沙南正路

印 刷 所 商 務 印 書 館

發 行 所 商 務 印 書 館

(本書校對者王永榜)

G 一七七六上

錄



83
14
22833